


55H  
Current  
Shelves  
DU  
740  
A2  
W3  
v. 1646



# WAN


Wantok (Boroko, Papua New Guinea)  
SSH Current Shelves  
UC San Diego  
Received on: 02-21-06

**Great Quality**

**Affordable Price**




Wan Wik, Februari 9 - 15, 2006 NAMBA 1646 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30



**SWIT MOA  
YET...**

*Photo: SMOL BISNIS  
DIVELOPMEN  
KOPORESEN*

## INSAIT:



**CATHOLIC  
REPORTER bilong  
mun Februari**

Nupela Eogenus  
Gosend 120k...  
pis... PES 27



**- KOMENTRI - PES**


**15: Mani, pasin  
pamuk na  
HIV/AIDS**

**BIKPELA BISNIS:** Bisnis bilong lukautim ol bi bilong mekim hani i wok long go bikpela tru insait long Hailans rijen. Dispela bisnis i gat bikpela strong bilong em, na i wok long apim nem bilong PNG olsem wanpela strongpela hani bisnis kantri. *Lukim stori long PES 18 na 25 long save moa long dispela switpela bisnis.*

# GLASIM NAIT KLAB

Gavman nau i glasim ol nait klab na pati ples long sekim sapos i mas i gat lo bilong lukautim ol. I gat planti sut toktok olsem ol i save strongim pasin pamuk na sik HIV/AIDS - PES 3

**PLANTI OL  
HYBRID  
VEGETABLE  
SEEDS**



**GUTPELA TAIM BILONG PLANIM OL VEGETABLE SEEDS**

**Brian Bell**  
Shop with a friend

PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200  
TOPTOWN 479 1918 GOROKA 732 1622 KOKOPO 982 9027 MT HAGEN 542 1999 MADANG 852 1899



# Midia noken kamapim belkros

LONG wol we i gat ol kain kalsa, lotu na pasin, em i gutpela long yumi soim luksave na i no wokim ol toktok long mekim ol narapela i belhat o sori.

Na taim i gat rait long fridom long toktok, dispela i no min olsem dispela i givim rait long wokim tok bilas na kamapim bel kros namel long ol lotu.

Bisop John Ribat em Deputi bilong Ekumenisim na Inta Rilijes dalog na Bisop bilong Bereina Daiosis

insait long Sentrel Provins i mekim dispela toktok bihain long ol nius midia long ovasis i droim piksa i no gutpela long bikman bilong Lotu Islam, Profet Mohamet we i kamapim bikpela belhat long ol Islam lotu memba. Na ol i wok long bagarapim na kamapim ol birua long sampela kantri long Yurop olsem long Norway, Frans na ol narapela moa.

Bisop John i tok Katolik Sios i lukim ol dispela samting wan-taim wari long pasin

bilong no soim luksave olsem ol dispela kain samting bai kamapim belhat pasin, we sampela nius ogenaisesen i kamapim.

Em i tok PNG em i kantri i gat planti pasin kastom na taim planti taim yumi no save klia gut long ol wan wan kalsa, yumi gat luksave long ol. na yumi bilip olsem fridom long tok-tok i no givim yumi rait long bagarapim lotu o kalsa bilong ol narapela grup.

Em i givim piksa long

Katolik Sios na ol arapela sios tu we sampela arapela sios i wokim ol kain toktok long daunim poin long bilip bilong ol. Na ol i luksave long asua na tu, dispela ol midia grup i wokim long tok olsem ol i gat rait long toktok na mekim ol Islam lotu memba i belhat.

Long wankain taim, em i tok tenkyu long ol midia ogenaisesen long PNG long i no bihainim ol arapela midia grup na bagarapim ol lotu na kalsa bilong ol narapela.

# Lidasip na menesmen kos bilong ol Nes



Veronica Hatutasi i raitim

LIDASIP na menesmen kos ol nes i makim ol haus sik long olgeta hap bilong PNG bai helpim gut ol long karimaut wok bilong ol.

Sister Mona Asipali bilong Inawaia Het Senta long Bereina eria long rurel Sentrel provins i wanpela long ol 19-pela nesing suster long ol haia na namel menesmen level long ol haus sik, komyuniti helt ejensi na sinia etministretiv level i stap insait long wanpela wik lidasip na menesmen developmen program long Don Bosco Teknologikel Kolis long Taurama insait long Nesenel Kapitel Distrik i tok.

Dispela em i namba wan taim kain kos bilong ol nes i kamapim long PNG wantaim helpim bilong Wol helt Ogenaisesen, Intenesenel Kaunsel bilong ol Nes (ICN) na PNG Dipatmen bilong Helt.

Long dispela taim, ol nes i mas save tu long karimaut ol wok

menesmen na lidasip bikos planti taim, ol i lukautim ol wokman na i nogat dokta na ol arapela bikman na ol yet i mas wokim ol fainensel, etministretiv, medikel na ol arapela disisen long ranim ol helt senta, etpos na haus sik.

Helt Seketeri Dokta Nicholas Mann long opim dispela nupela program i tok i gat nit long givim gutpela helt evis na dispela i min olsem ol i mas kamapim gut kwaliti menesmen long sinia na namel menesmen level na ol nes long PNG insait long ol rurel, distrik, provinsel na nesenel level i mas bildim o strongim lidasip na menesmen level bilong ol. Em i bin kisim namel long tu na tripela yia long kisim kos i kam long PNG,

Sister Asipali i tok em i amamas long kisim sans long sindaun long woksop bikos planti senis i wok long kam insait long wok eria bilong ol nes na ol samting em i lainim em bai kisim i go bek long rurel helt senta bilong em long Inawaia.

"Dispela em gutpela sans bilong mi long

AMAMAS LONG KOS: Sister Martha Madagi bilong PAU wantaim Sister Mona Asipali bai lainim planti nupela samting long Helt Lidasip na Menesmen kos.

skruim lidasip na menesmen save," Sister Asipali i tok.

Olsem het nes long Inawaia we 12-pela woklain nes na nes helpim i kam aninit long em na ol i lukautim samting olsem 5,000 pipel, Sister Asipali i gat bikpela wok long han bilong em.

Em i tok taim bilong karimaut tasol ol wok long lukautim ol sikman, givim marasin na ol dispela kain wok i pinis.

"Ol nupela samting olsem menesmen na lidasip we mi no bin ting bai i kamap hap long wok bilong mi em mi lukim na mekim nau. Na mi amamas long kisim sans long lainim ol nupela samting long dispela gutpela kos," Sister Asipali i tok.

Ol nes we ol i holim wok long lidasip na menesmen level long Nesenel Kapitel Distrik Helt Sevis eria, UPNG Nesening Akademia, Pasifik Etventis Yunivesiti (PAU) Dipatmen of Helt na i kam long Madang, Goroka, NCD, Sentrei provins i sindaun nau long dispela wanpela wik kos.



## EASIPAY INSTOLESEN INSAIT LONG LAE, MOROBE PROVINS

OL DE BILONG INSTOLESEN	OL PLES
Mande 6/2/06 i go inap Trinde 15/2/06	Ol Eriku Residensel eria namel long Raunwara, Spots fil, Skaut hol na Paia Stesen. Eriku soping senta, na ples namel long Buimo Rot, Eriku, Lae Tek na Cassowary Rot. Salamanda, Jawani Strit, na ples bilong ol Disebol pipel.
Tunde 16/2/06 i go inap Fraide 24/2/06	Baundri Rot (ol Taun rot i go long Lae Sekenderi), Salvesen Ami i go inap Markham Rot, Praimeri Skul, 3 mail, DPI/212/Kapiak/Karoka Ples, Baundri Rot, ol Residensel eria tasol, Bundi, Erima, SP Kompaun, Dysox Strit.





# Gavman glasim ol klab na pati ples

...Lukluk long lo bilong lukautim

Veronica Hatutasi  
i raitim

**GAVMAN** i wok long glasim entatenmen industri o ol nait klab na pati ples long sekim sapos i mas i gat ol lo we i strong-pela moa bilong lukautim ol.

Wanpela wok painimaut we i bin stat long laspela wik bilong mun Januari na i raun i go long Daru, Vanimo, Rabaul, lae, Madang na Goroka bai pinis wantaim bikpela bung tude (Fonde) na Fraide long skelim olgeta tingting na toktok ol pipel i givim long ol klab na pati ples. Riferel Komiti long Helt na Famili Welpel long Palamen i bin go pas long dispela wok painimaut.

Long dispela tupela de sindaun bilong komiti, bai ol i:

- Sekim sapos ol so we i save kamap insait long olgeta nait klab insait long kantri i bihainim stret ol lo, na sapos PNG pipel i redi long lukim ol dispela kain so insait long ol nait klab;

- Makim ples we ol nait klab i stap long en na sekim sapos ol dispela ples i ken kisim ol nait klab aninit long lo;

- Painimaut wanem kain ol wok ol nait klab na pati ples i save mekim;

- Sekim sapos ol dispela wok o pasin bilong ol i ken bagarapim ol pipel husat i stap insait long ol dispela kain so, ol famili bilong ol na kantri; na

- Skelim lukluk bilong publik long entatenmen industri.

Namba 2 bikpela wok bilong komiti em long sekim olgeta lo i stap nau we i karamapim entatenmen industri na;

- Strongim ol dispela lo; na

- Painim ol lo wok o ples we i mas i gat lo bilong ol yet.

Namba 3 bikpela wok bilong komiti em long kamapim wanpela ripot long olgeta samting ol i painimaut na wokim ol rekomendesen bilong kamapim ol lo bilong go long Palamen.

Bai komiti i redim wanpela submisin bilong karim i go long Nesenel Eksekutiv Kaunsil aninit long nem bilong Minista bilong Komyuniti Developmen long olgeta samting komiti i painimaut, na bihain long en bai ol i kamapim ol plen bilong stretim ol samting dispela wok painimaut i kamautim.

**Lukautim ol yangpela bilong bihain taim**

Bikpela as tingting bilong dispela wok painimaut em long lukautim ol pipel, na moa yet long lukautim ol yangpela bilong bihain taim.

Planti sut toktok i kamaut long publik olsem ol nait klab na pati ples i wok long strongim hevi bilong sik HIV/AIDS.

HIV/AIDS i go bikpela tru long kantri na klostu 12,000 pipel i gat rekot long helt Dipatmen long binatang bilong AIDS insait long PNG.

Pot Mosbi i gat klostu 70 nait klab na wanpela sevei wok i painimaut olsem 39 long ol dis-

Ol Mema bilong Palamentari Riferel Komiti long Helt na Famili Welpel  
Cecilking Doruba MP - Siaman

Dokta Bob Danaya MP- Deputi Siaman

Tom Amukele MP

David Sui MP

Joseph Warau - Komiti Seketeri

Michael Kungjil - Asisten Komiti Seketeri



Foto: Nicky Bernard

**OL KLAB BOSMAN:** Ol papa bilong ol nait klab na pati ples insait long Mosbi siti i bung. I gat klostu 70 nait klab insait long Mosbi siti tasol 5-pela long ol tasol i bin kamap long dispela kibung long Tunde long dispela wik.

pela naitklab em ol ples we pasin pamuk i save kamap long en o we i save pulim tingting long pasin nogut i kamap.

Wok painimaut i bin luksave long ol dispela naitklab na brukim ol long 5-pela eria olsem long Taun, Boroko, 6 na 7 Mail, Gordons na Hohola na Waigani Gerehu.

**Tingting bilong sios**

Bisop Peter Fox long Angliken Daiosis bilong Pot Mosbi i mekim klia olsem "ol naitklab i no as long binatang bilong AIDS i kalap long narapela, tasol pipel yet - ol kain kain pipel na i no ol dispela long naitklab tasol. Tasol olsem ol gutpela manmeri bilong

kantri, yumi mas askim ol na olgeta narapela manmeri long bihainim lo bilong kantri."

Bisop Peter i tok planti papa bilong ol naitklab bai tok ol ples bilong ol i no strongim pasin pamuk, strong-pela dring na smok nogut na tok samting ol kastoma i mekim em i laik bilong ol tasol dispela i no gutpela toktok bihainim stretpela pasin na ol i mas luksave.

"Long gutpela bilong pipel na komyuniti, taim ol i fosim ol pikinini na ol turangu long go insait long wokim pasin pamuk, menesmen bilong ol naitklab i mas wokim samting long lukautim ol woklain na kastoma bilong em," Bisop Peter i tok.



**WANTOK**

**BIKPELA** toktok i kamap pinis long ol nait klab na pati ples. Sampela bosman bilong ol klab i tok olsem i nogat wanpela paul pasin i save kamap insait long klab bilong ol. Em i tru o nogat? Tokwin i save olsem i gat sampela klab insait long Mosbi husat i save kisim ol yangpela meri bilong mekim ol strip so long biknait. Dispela komiti bilong Palamen i mas kamapim strongpela lo bilong stiaim olgeta nait klab na pati ples. Long taim pinis em ol i save mekim samting long laik.

I TRU olsem ol bus ples insait long kantri i nogat ol nait klab i stap, tasol sapos i gat ples i save salim bia na i no lukautim gut ol pipel i save go long hap, em ol dispela ples i no bihainim stret lo.

**NA** olsem wanem long provinsel gavman sistem? Gavman i tingting strong long rausim na lusim lokal level gavman tasol i stap. I gat ol gutpela samting long en, na i gat ol nogut samting tu. Ol lain long NRI i glasim gut pinis na tok mobeta provinsel gavman sistem i stap na nesenel gavman i lukluk moa long givim moa mani na sevis i go daun long provinsel gavman. Yu gat tingting long dispela? Raitim pas i kam long Wantok Niuspepa na autim wari bilong yu.

**TUPELA** ainman ragbi pilai bilong yumi i stap long Inglan, em Marcus Bai na Stanley Gene i wok long apim tru nem bilong PNG. Tupela i no isi long namba wan pilai bilong tupela wantaim Bradford Bulls klab. Sapos yu laik bihainim pilai bilong tupela, ritim Wantok tasol. Mipela i save toktok wantaim Marcus na Stanley stret. Tru tumas, dispela tupela man em ol trupela PNG man stret.

## Saveman tok provinsel gavman sistem mas stap

...Ol arapela tok long rausim

Andrew Molen i raitim

**NESENEL** gavman i noken rausim provinsel gavman sistem bilong wanem i nogat wanpela samting i rong long en.

Dispela tingting i kam long Dokta Thomas Webster, Dairekta bilong Nesenel Risets Institut (NRI) ol lain husat i save glasim gut wokabaut bilong kantri long sait bilong ekonomi, ol gavman sevis na ol arapela samting.

Em i bin mekim dispela toktok long wok painim aut bilong em long saposim provinsel gavman sistem.

Dispela tingting i go agensim tingting bilong gavman long rausim

provinsel gavman sistem na lusim ol lokal level gavman tasol long distrik i stap.

"Wanem kain rot tru bai nesenel gavman i lukautim 89-pela distrik taim nau yet em i no inap long lukautim ol tupela ten (20) provins tasol?" Dokta Webster i tok.

Em i tok mani na ol risos we i mas go long ol provinsel gavman long yusim insait long provins bilong ol i save pas long nesenel gavman level na liklik tasol i save go aut long ol provins.

Taim ol i kisim dispela em i no save inap na liklik moa i save go daun long ol lokal level gavman.

*i go long pes 4*



**WANTOK**

**Circulation supervisor**

**Word Publishing - publishers of the only Tok Pisin niuspepa in the country - is seeking a dynamic, innovative and energetic person with marketing, accounting and circulation experience to drive forward our circulation department.**

**Selection criteria**


- Excellent communication and organizational skills
- Good knowledge of PNG, including its cities and towns.

- Ability to provide weekly sales report.
- Computer literate.
- Ability to work under pressure.
- Ability to meet deadlines targets and goals.
- Honest and reliable.
- Grade 12 certificate or higher.
- Hold a current PNG drivers license.
- Able to work under minimum supervision and start immediately.

Suitable, qualified persons should post, email or fax their application and CV to

the Marketing and Advertising Manager by 17th Februari 2006 to:

**Post: Wantok Niuspepa, PO Box 1982, Boroko. Email: advertising@wantok.com.pg Fax: 325 2579**





# PNG mas i gat ol honos manmeri

Andrew Molen i raitim

**KANTRI** bilong yumi nau long dispela taim i mas i gat ol gutpela na honos manmeri.

Dispela bai helpim long daunim pasin korapsen na hevi bilong lo na oda.

Pasta Jeffrey Lapa bilong Kristen laip senta (CLC) i tok dispela taim em i autim tok long wanpela lotu las wik Fraide long makim op bilong wok bilong ol loya na jas long dispela yia.

Pasta Lapa i tok wok bilong ol loya em long painim sapos man i asua o i nogat bai ol i ken salim em i go long kalabus.

"Yupela ol loya yet i save husait i rong o nogat tasol wok bilong yupela em long pait long rait bilong ol man o meri i stap long was

bilong yupela," Pasta Lapa i tok.


Em i tok lo na oda insait long PNG i wanpela bikpela ples olsem na ol polis, koreksenol sevis (CS) na ol kot i mas wok hat long traim na daunim dispela hevi.

Pasta Lapa i tok tu olsem planti manki nau long bikpela ples olsem Pot Mosbi em mama papa i lusim ol na ol i save stap long strong bilong ol yet.

Dispela i save mekim ol long i go stilim samt-ing o kamap trabol long ol narapela.

Em i tok laip bilong dispela ol lain i olsem ol i stap insait long kalabus pinis na taim lo i holim ol na putim ol i go insait long kalabus tru tru, dispela em i no olsem nupela samt-ing long ol.

"Dispela ol hevi bilong lo na oda i save



**LO I TOK:** Sief Jastis Sir Mari Kapi wantaim ol narapela jas, loya na ol arapela wok-manmeri bilong lo i kamap long bung bilong ol las wik.

mekim yumi olgeta i stap wantaim pret tingting.

"Pret tingting i save mekim yumi sanapim banis raunim haus bilong yumi na tu long laip bilong yumi," Pasta Lapa i tok.

"Bilong wanem as tru na yumi save i gat banis long laip bilong yumi."

Em i tok ol samt-ing nogut i kamap long sosaiti noken senis tingting bilong yu olsem man.

"Em i pasin na we

bilong yumi-yu wanem kain man o meri tru."

Pasta Lapa i tok amamas long CS long lotu i save kamap insait long haus kalabus na i laikim bai dispela i mas kamap strong.

Em i singaut tu long ol Loya na ol wokman bilong lo long ol i mas i go long sios na lotu.

"Dispela bai helpim yupela long wok bilong yupela," em i tok.

Sief Jastis Sir Mari Kapi i tok amamas tu long ol loya na jas i kamap we namba bilong ol i antap liklik moa long las yia.

## Saveman tok provinsel gavman mas stap

i kam long pes 3

"Em i no trupela tok olsem ol provinsel gavman i save westim planti mani na risos bilong wanem ol nesenele ejensi i save kisim planti moa mani long ol provinsel gavman," Dokta Webster i tok.

"As tru long wanem na ol provinsel gavman i no save mekim sampela ol wok bilong ol em bikos ol nesenele gavman ejensi i no save mekim gut wok bilong ol."

Ol provinsel gavman i save kisim mani bilong ol long nesenele gavman we inap olsem K291.8 milien we K94.9 milien i kam long nesenele gavman, K169 milien long GST (takis) na K54.2 milien em mani bilong provins yet i kam long ol wok em yet i mekim.

Dokta Webster i tok wok i stap long han bilong ol provinsel gavman i bikpela moa long mani ol i save kisim long mekim wok.

"Ol mani na risos long nesenele level i mas kam daun gut long provinsel level bai ol gutpela wok i ken i go het long ol provins na sab-distrik," em i tok.

Dokta Webster i tok asua i stap long Nesenele gavman long em i no save was o lukluk long wok bilong ol provinsel gavman we kain ol lain bilong lukluk long ol wok olsem, Odita Jenerel i nogat han o opis long provinsel level bilong gavman bai ol i ken ripot i kam bek long nesenele bodi bilong ol.

Tasol Sir Barry Holloway bilong pablik sekta rifom unit i tok strong olsem dispela senis long rausim provinsel gavman sistem i mas i go het bilong wanem em bai nap long helpim kantri long sevim moa moni na risos na planti moa wok na sevis bai ken i go kamap long ol lokol gavman level na ol distrik.

"Yu (Dr Webster) wok long toktok long ol hevi bilong etministresen na yu no givim as long wanem na yu ting provinsel gavman i mas i stap.

"As bilong ol etministresen bilong nesenele gavman na ol provinsel gavman i no save wok em bilong wanem olgeta bikman bilong ol i stap hia long Pot Mosbi na ol i no save wanem samt-ing i kamap long provins na distrik bilong ol i stap," Sir Barry i tok.

Em i tok sapos moa mani go long ol disrik na ol lokol level gavman bai planti moa gutpela sevis na wok i go long ol pipel long hap tu.

"Long dispela as mipela i bilip olsem provinsel gavman i mas raus bai mani go stret long distrik na lokol level gavman long lukim ol wok i go het," Sir Barry i tok.

Ol toktok bilong dokta Webster i kamap bihain long gavman i kirapim tingting long ol i laik rausim Provinsel Gavman sistem.

## Bogenvil bai-ileksen pinis olgeta

....Trawen lukluk long NCD Rijinel

PLANTI manmeri husait i nap long vot i no bin i gat sans long yusim dispela rait bilong ol aninit long mama long bilong kantri long Bogenvil provinsel bai-ileksen bilong wanem ol i stap long ol ples olsem "No go zone" na ol narapela eria olsem.

Taim em i kisim ol rit i go bek long Ekting Gavena Jenerel, Sief Jastis Sir Mari Kapi long gavman haus aste, Ilektorel Komisina, Andrew Trawen i tok em i laikim bai dispela kain samt-ing i stret long hap taim 2007 jenerel nesenele ileksen i stat.

"Dispela bai-ileksen i yusim niupela sistem bilong vot, LPV na long lukluk bilong mipela, ol pipel i klia na i no paul taim ol i go mekim vot bilong ol.

"Ol i mas putim 1,2 o 3 long tripela kendidet

ol i laikim na ol i mas save tu olsem 1,2 na 3 ya, em i wankain tasol," Mista Trawen i tok.

Em i tok namba bilong ol lain i no vot gut i liklik na dispela i gutpela sain bilong wanem long 2007 em bai fes bilong LPV sistem bilong vot bai kamap long wanpela jenerel ileksen na em i gutpela olsem planti i save long dispela niupela we bilong vot," em i tok.

Em i tok tu olsem long 33, 107 balot pepa, 1, 643 tasol i no gutpela.

Long dispela ileksen, Leo Hannett i win wantaim 17, 419 vot long kamap olsem memba bilong palamen i makim Bogenvil.

Bihain long Mista Harnet em independent kendidet na bipo Sief Ombudsman Komisina Simon Pentanu husait i kisim 11, 911 vot

Mista Trawen i tok amamas long we ileksen i ron long hap na i amamasim tu ABG etministresen na ol pipol bilong Bogenvil long hatwok bilong ol we i lukim ol samt-ing i go orait tasol.

Em i tok amamas tu long gutpela wok bilong ritening opisa Reitama Taravaru.

Mista Trawen i tokaut tu olsem nau Ilektorel Komisina bai lukluk long wok rere bilong NCD Rijinel Sit Bai Ilekse. Sit bilong NCD Rijinel i bin op bihain long rijinel memba Sir Bill Skate i bin indai long stat bilong mun i go pinis.

Tasol Mista Trawen i tok olsem stretim wanpela bai ileksen i no liklik wok, na i gat planti samt-ing ol i mas skelim pastaim long ol i go het na makim taim bilong bai ileksen.

### RABAU SHIPPING LIMITED HAS THE FOLLOWING VACANCIES

#### RABAU OFFICE

##### Personnel Manager

At least five (5) years experience in a comparable position organizing overseas and Papua New Guinea employees.

. A good knowledge of Labour and Immigration laws and procedures is essential.

. Knowledge of sea going staff will be of assistance.

Preference will be given to Rabaul based applicants, but accommodation will be provided for an exceptional candidate from outside of Rabaul.

Please send no more than a 2 page letter including reference details.

##### Junior Legal Officer

We are looking for a recently graduated lawyer to be based in Rabaul. For further details, please write to Mrs. L. Sharp, PO Box 276, Rabaul, East New Britain Province including details of degrees.

##### Sea Staff

For our expanding fleet of passenger ships, we have the following vacancies:

Master 4	2	Positions
Master 5	4	Positions
Engineer 1	2	Positions
Engineer 2	3	Positions
Engineer 3	3	Positions
Engineer 4	5	Positions
Engineer 5	5	Positions

All positions are open to both genders. Reply to PO Box 276, Rabaul, East New Britain Province, Attention: Managing Director



OL RIPOT LONG KWIK MANI BISNIS LONG BOGENVIL

# Mipela no stap wantaim U-Vistrak: Me'ekamui



**SINGAUTIM MUSINGKU KAMAUT:** Meri lida Theresa Jaintong laikim kwik mani skim bos long kliarim nem bilong em.

## Ol Fiji soldia givim trening yet

OL FIJI soldia long Tonu i go het yet long givim militeri trening long ol yangpela Bogenvil man.

Faipela soldia bilong Fiji i stap yet long Tonu, stat yet long mun Oktoba bihainim mani ol i putim insait long U-Vistrak kwik mani bisnis em Noah Musingku i papa long em.

Ol ripot i tok namba wan hap long trening em 6-pela wik trening long graun na namba tu hap em 6-pela wik trening long solwara.

Ripot i tok ol dispela soldia bilong Fiji i karimaut dispela wok taim ol i wetim milien kina

peiaut bilong ol yet long U-Vistrak.

Bihainim ripot, ol Fiji soldia i trenim ol yangpela man long lukautim U-Vistrak na papa bilong em, Mista Musingku.

Ripot i tok tu olsem planti pipel long Bogenvil i no wanbel long ol U-Vistrak lain i no laikim bai ol narapela provins man i go long Bogenvil taim em (U-Vistrak) i larim ol loya, benka, niuslain na ol arapela bikman bilong narapela provins i go long Tonu long

**ME'EKAMUI** grup long Bogenvil i no laikim U-Vistrak Kwik Mani Bisnis i yusim nem bilong em bikos tupela i no wankain na ol i gat narakain bilip bilong ol.

Tu, kefiu i stap long Mogen Jansen rotblok na ol i sasim sampela fi bipo ol i larim ol ka

i go. Ol i sasim tu K50-fi long ol manmeri bilong ol arapela provins long rotblok.

Long ol ripot we Wantok i kisim, U-Vistrak i wok long kisim

ol fi o mani long rotblok na wokim ol narapela samting, yusim nem bilong Me'ekamui na dispela i mekim ol i bel-hat.

"Noken yusim nem bilong mi bikos yu gat narakain tingting (motive) na mi no klia long tingting bilong yu," ripot Wantok i kisim i autim ol toktok Me'ekamui i mekim.

Long ol rotblok namel long Saut na Sentrel Bogenvil, U-Vistrak lain i tok ol i hap long Me'ekamui grup.

Long dispela taim, i gat tripela rotblok i stap we ol lain i go long Saut Bogenvil i kalapim long go long ples.

Bikpela i stap long Mogen Jansen klostu long Arawa we ol Me'ekamui lain i lukautim hap wantaim ol gan i stap long en.

Ripot i tok kefiu o taim tambu i stap namel long 7.00 kilok nait na 6.00 kilok moning.

"Sapos yu kamap long dispela rotblok bihain long 7.00 nait, yu peim K10 fi. Na sapos

yu bilong narapela provins, yu bai peim K50 long go pas long rotblok na go long wanem ples yu laik go long em," ripot i tok.

Rotblok long Tonu, Siwai long Saut Bogenvil em beis bilong U-Vistrak, rotblok i bilong sekim sapos ol man i karim strongpela dring na tu, ol pipel bilong narapela provins. Sapos rotblok i painim man i spak o i gat strongpela dring, em bai peim K10 fi.

## U-Vistrak paulim pipel

PLANTI pipel long Saut Bogenvil, moa yet long Siwai, i paul long ol toktok na samting we U-Vistrak i wok long mekim.

Long dispela taim, U-Vistrak i wok long givim ol kad long kisim mani long ol ATM masin na beng.

Long wankain taim tu, U-Vistrak Kwik Mani bisnis bos, Noah Musingku i wok long tokim ol pipel olsem nogat ink

o tona long printa i stopim wok bilong mani peiaut.

"Nogat peiaut i kamap bikman i tok i nogat ink long prinim ol samting. U-Vistrak i wok long givim aut ol beng kad i luk tasol olsem ol ID kad na tokim ol pipel olsem ol i ken yusim ol dispela long ol masin (ATM) we ol i kisim mani long em na tu, long beng.

Ol i tokim ol pipel tu olsem kwik mani skim ya bai staim wanpela mani data sistem long

Tonu na bai i gat han long Arawa, Buka na ol arapela provins long PNG long sapotim wok bilong U-Vistrak na mekim peiaut isi.

Ripot i tok wanpela bikman bilong U-Vistrak i bin go long Manus long opim han long hap na taim em i kam bek, ol i wok long tokim ol pipel olsem ol bai wokim dabel peiaut o peim tupela taim moa antap long mani ol i putim long U-Vistrak akaun bilong ol.

**RABAU SHIPPING LIMITED**  
PO BOX 276, RABAU, ENBP  
PAPUA NEW GUINEA

Phone: 982 1070, 1071, 1072, 1073; Fax: 982 1955; Email: kulapom@online.net.pg

### TO ALL SCHOOLS AND EDUCATIONAL INSTITUTES

We have been offered a large number of fake student identification cards, which we are advised, are being produced in Buka and Morobe for K10.00 per card.

Would every school or education institute who will have students traveling in 2006/2007 please submit to our Rabaul office a copy of a bona fide identification card issued by your properly authorised learning institution.

It is easier for the traveling student if they have an identification card showing their photograph and signature.

When making identification cards for your students who maybe at your institutions for more than one year, for the sake of returning students, we suggest you put in a validity date that would reasonably cover their return date if they will be continuing into 2007.

For those students who do not have identification cards, please contact us and we will send you our cards with instructions.

Students joining new schools in the absence of identification cards, please have proof of acceptance plus proof of payment of fees.

In 2006, we will be reluctant to accept any faxed copies of letters etc. We require original documents.

For any genuine students who may have been inconvenienced, we apologise.

Management  
Rabaul Shipping Ltd

### Ol Hap Hap Nius:

BOGENVIL Meri lida Theresa Jaintong i singaut long Noah Musingku, papa bilong U-Vistrak em kwik mani bisnis, long kamaut na kliarim nem bilong em na kamap fri gen. Theresa Jaintong i wokim dispela singaut bihainim planti toktok long Mist Musingku na mani skim bilong em we planti pipel i putim mani bilong ol long em na i kam inap nau, ol i no lukim wanpela gutpela samting long en. Meri lida i bilip olsem Mista Musingku i no toktok bikos bikpela mani long skim i bin go long sampela Palamen lida na dispela i pundaunim mani bisnis na em i no inap long peim ol liklik manmeri. Lida i laikim bai Ombutsmen Komisin i lukluk gem long dispela

samting. Long wankain taim, pablik long Manus i kisim tok lukaut long noken putim mani long U-Vistrak we i opim wanpela opis long provins.

\*\*\*\*\*

WANPELA dokumenteri muvi i gat stori bilong Bogenvil i winim top awod o namba insait long wanpela filim festival long Tahiti.

"Breaking Bows and Arrows" em muvi we Liz Thompson na Eleanor Cox i bin kamapim i bin winim top namba long namba tri Anuel Intenesenel Oseania Filim Awod ol bin holim long Tahiti. 39 dokumenteri olgeta i bin stap insait long dispela resis.



# Morobe gat wanpela moa jas

Bustin Anzu i raitim

MOROBE Provins bai gat wanpela moa jas. Dispela i mekim namba bilong ol i go antap long tripela.

Jastis Sao Gabi bai joinim tupela brata em Jas Jastis Nicholas Kirriwom na George Manuhu long lukautim wanpela bikpela kot insait long kantri.

Sinia residen jas Jastis Nicholas Kirriwom i mekim dispela toktok bihain long makim de bilong opim legal yia selebren long Lae long las wik. Nesenel kot i no inap harim kot long Lae tasol. Nogat, em bai holim Nesenel Kot long ol distrik insait long Morobe provins olsem Bulolo na Finsafen. Dispela kain rot bilong harim ol Nesenel Kot i bin stat long las yia na bai ol i skruim i go moa yet.

Jastis Kirriwom i tok bipo, i bin i gat tripela jas tasol siks pela yia i go pinis, wanpela o tupela jas tasol i harim kot.

"Mipela i amamas nau bai mipela i gat 3-pela jas husat bai stap long Lae na harim ol kot. Dispela i winim namba bilong ol narapela siti na taun husat i stap ausait long Nesenel Kapitel Distrik long i gat kain namba bilong ol jas," Kirriwom i tok.

Jastis Gabi i stat wok pinis long dispela Mande, bihain tasol long kam bek long ol holid bilong em.



SAMTING NOGUT: Polis long Wasu i bagarapim ol peket mariwana.

# Buang rot i op gen

Bustin Anzu i raitim

ROT i go long Buang Lokol Level Gavman i op bihain long ol kontrakta i yusim wanpela buldosa na klinim rot. Dispela rot i pas bihain long traipela graun i bruk na pasim rot.

Long dispela hevi i bin kamap long las mun, 13-pela man meri i dai bihain long Wara na graun i kisim ples na ol gaden kaikai arere long rot i bagarap.

Sampela lain long Mapos insait long Buang i tok ol i opim rot na mekim isi long ol lain i kisim ol helpim i go long ol dispela lain husat i kisim bikpela hevi long taim bilong bikpela ren na graun i bruk.

Planti ol lain insait long kantri i luk-save long dispela hevi i bin kamap na ol i givim bikpela han long helpim ol.

Ol lain olsem PNG Red Cross, Salvation Ami na ol narapela lain i givim bikpela helpim long ol.

Wanpela maus man bilong Provinsel Polis Komanda bilong Morobe Provins em Sinia Inspekta Joseph Noah i tok nau yet planti lain i luksave long dispela hevi long ol lain long Buang na givim helpim i go.

Insait long dispela hevi, planti samting olsem gaden na haus na ol narapela samting i-olsem rot i bagarap.

Taim rot i op, helpim i go insait long ol ples we i kisim bikpela bagarap.

# Busples pipel no inap kisim Redio Morobe

Paulus Tali i raitim

PLANTI manmeri insait long ol busples bilong Morobe provins bai no inap harim o kisim sevis bilong Redio Morobe bihain long ol raskol i katim ol waia bilong transmisen.

Dispela hevi i bin kamap long wiken i go pinis we sampela stil man i go insait long banis bilong Redio Morobe na katim ol dispela waia we i save

salim siknel long ol redio.

Redio Morobe Stesin Menesa Henry Tamarua i tok dispela hevi em bai i lukim nogat wanpela redio transmisen i go long ol ruel eria o bus ples insait long Morobe provins.

Mista Tamarua i tok em i sori tru olsem dispela hevi i kamap we moa long 500,000 pipel husat i save harim Redio Morobe bai no inap kisim sevis bilong en.

Em i tok em i no nambawan taim we Redio Morobe i bungim.

Mista Tamarua i tok dispela em namba tri taim we ol raskol i mekim dispela pasin long ol samting bilong Nesenel Brotkasting Koporesen (NBC).

Em i tok dispela i soim olsem ol dispela lain hsuat i wok long sindaun long graun bilong NBC i no bihainim tok bilong ol long lukautim ol samting bilong NBC.

**Ramu Sugar bai salim planti pikinini i go bek long skul**

**RAMU SUGAR**

**back to school FEES**

**K100,000**

**bilong ol skul fi long winim**

Baim paket Ramu Sugar long stap insait long dispela resis.

Raitim bekim long entri fom na pasim wantaim wanpela paket i nogat suga long en long soim olsem yu bin baim.

Salim entri bilong yu i kam long Ramu Sugar Back To School Promotion C/- Locked Bag Service Lae, Morobe Province, o putim insait long entri bokis i stap insait long wan wan ol stua.

Dro o taim bilong painim ol wina bai kamap long Fraide long olgeta wik stat long namba 27 de bilong mun Januari na bai pinis long namba 24 de bilong mun Februari.

**Ramu Sugar back to school promotion**

Name:.....

Address:.....

Phone:.....

**POST TO:**  
**Ramu Sugar Back to School Promotion.**  
**C/-Locked Bag Services**  
**Lae,**  
**Morobe Province**  
**Papua New Guinea**

**Bai i gat 40 manmeri i ken winim K500 wan wan wik inap long 5-pela wik olgeta**

SUGAR SUGAR SUGAR SUGAR SUGAR SUGAR

# Polis gat disiplin hevi

...Mas stretim

Bustin Anzu i raitim

OLGETA disiplin Fos insait long kantri i lusim pinis pasin bilong disiplin o bihainim gutpela pasin na dispela em wanpela hevi stap insait long kantri. Dispela pasin i stap long taim bilong independens, maski ol saveman na ol bikman i mekim dispela sem toktok long planti ol bung.

Planti disiplin fos insait long kantri i bagarapim pinis gutpela wok bilong ol na givim nem nogut long ol. Na long mekim wok aninit long konstitusen i no ron stret bihainim mak bilong em na i pundaun pinis.

Long opening bilong legal yia long Lae las wik, Sinia Residen jas, Jastis Nicholas Kirriwom i mekim dispela sem toktok tasol long wanpela polis na woda bung bilong makim dispela bung.

Em i tok disiplin hevi insait long ol polis fos i bikpela tumas na planti taim, ol pablik i no save wanbel long dispela kain hevi. Olsem na em i tokim ol long wok moa strong long holim dispela disiplin bilong ol.

"Disiplin em wanpela bikpela hevi i stap wantaim ol lain i lukautim lo. Planti taim, dispela sem stori mipela i save harim. Mipela mas wok strong long holim dispela nem disiplin stap yet," em i tok long piriet. Em i tok tu olsem maski i gat sampela senis i kamap, ol i mas wok strong long holim disiplin bilong ol.



# Promis i wara nating

Sape Metta i raitim

**SAMPELA** ol mama grup lida long Goroka, Isten Hailans i wok long wokim planti askim nau i go long ol kaunsela bilong Goroka Ruel na Eben Lokol Level gavman na opis bilong memba bilong Goroka Open Ilek-toret husat i bin mekim ol tok promis long kamapim gut ol samting na bringim sevis i go long sapotim ol, tasol planti long dispela ol tok promis i no kam gut na tu i no karim kaikal.

Insait long las tripela yia, planti ol tok promis i bin kamap long ol sapot em ol mama grup long Goroka na isten Hailans bai kisim long ol lokol kaunsela na memba, tasol planti long dispela ol tok promis long sapotim ol mama grup em i lus nating.

Meri lida, Helen Paul husat i go pas long ol sios mama grup long Goroka i tok taim lokol memba na ol lokol kaunsela i bin kisim opis, ol i bin raun na tokaut long ol plen na

wanem ol samting na sevis em ol bai ken bringim i go insait long ol komyuniti we ol mama i ken kisim ol halivim long en.

Em i tok, "mipela ol mama i bin kisim planti ol tok promis long kisim 9-pela wimens risos senta long ol eria em ol i makim insait na ausait long Goroka taun.

Tasol nau yet bihain long klostu long 4-pela yia i go pinis nau, mipela i lukim tupela tasol i sanap. Na we stap narapela 7-pela risos senta em ol i bin tok promis long em?"

Mis Paul i tok i nogat moa mak long dispela plen na tu i nogat wanpela wok i go het long dispela 7-pela risos senta.

Em i tok tupela risos senta we ol i bin kirapim em long Wes Goroka Wimens Risos Senta na Ifiyufa Wimens Risos Senta. Dispela tupela risos senta em opis bilong lokol memba bilong Goroka i bin halivim long bildim na sanapim.

Nau yet dispela tupela riso senta i sanap i stap bihain long ol opisel opening

long sampela taim i go pinis.

Na planti tok kros tu i wok long kamap long wanem Wes Goroka na Ifiyufa Wimens Risos Senta i no karimaut na mekim wok operesen.

Tupela risos senta ya i kirap na i sanap nating. Na ol mama grup i no inap yusim dispela tupela risos senta, long wanem i nogat ol kago em ol i ken yusim long mekim ol wok insait long dispela tupela senta.

Mis Paul i tok long taim bilong opisel opening bilong dispela tupela senta, ol mama i bin amamas nogut tru, tasol bihain liklik dispela amamas i go lus nating long wanem ol i bin luksave olsem ol i no inap long yusim ol risos senta ya bikos i nogat ol kago samting olsem kompyuta, ol tebol na sia, na ol arapela samting moa we ol mama i ken yusim long karimaut ol wok na tu yusim long kisim trening long en.

Em i tok taim bilong ileksen i kam klostu nau na long taim bilong kempen, planti mauswara bai kap-sait.

## PMV kar pinisim K7000 bilong lokol bisnisman

Sape Metta i raitim


WANPELA lokol bisnisman long Goroka, Isten Hailans i lusim moa long K7000 bihain long wanpela PMV kar i ron i go insait na bagarapim stua na ol kago samting bilong em long Fraide nait long wik i go pinis.

Ligel Hariea, em i papa bilong Highlands Farmers Hardware stua we em i save salim ol agrikalisa na bilding kago samting, i tok birua ya i bin kamap taim draiva bilong PMV kar ya i spak na draivim kar i go insait long stua bilong em.

Em i tok bikpela bagarap i bin kamap long bikpela dua bilong stua, na tu sampela ol kago samting olsem kerot na kebis sid, fetelaisa, simen bek, ol busnaip na ol arapela tuls em ol i bin stilim long dispela nait yet taim birua i kamap.

Mista Hariea i tok em i gat moa long 10-pela wokman na dispela birua i mekim na em i no bin ronim gut bisnis bilong em insait long wanpela wik. Em i tok draiva na boskru bilong PMV kar ya i no bin kisim bagarap na tupela i ronawe bihain long ol i kamapim dispela birua.

Polis long Goroka i bin kamap na mekim ripot na bai ol i karimaut wok painimaut long en.



**BAGARAP:** Bosman bilong Highlands Farmers Hardware stua long Goroka, Ligel Hariea i sanap na lukluk long bagarap em dispela PMV kar long poto i kamapim long stua bilong em. *Poto: Sape Metta*

## Nambawan taim balus karim Yangis kopi long Enga

James Kila i raitim

OL LIKLIK fama bilong Yangis lokol level gavman insait long Kompian Ambum eria long Enga provins i bin amamas tru long lukim balus i karim kopi long ples bilong ol i go aut long maket.

Dispela em nambawan taim tru dispela ruel distrik i lukim kain sevis olsem i kamap.

Wanpela twin-ota balus bilong Misinari Eviesen Felosip (MAF) i bin lusim ples balus bilong ol long ruel eria tru na i karim kopi i go pundaun long Wapenamanda stesin.

Dispela i bin kamap bihain long gavman bilong Enga, aninit long Gavana Peter Ipatas i bin givim K12,000 long kamapim dispela gutpela wok long sapotim ol manmeri long ples.

Menesing Dairekta bilong Wapenamanda Kopi Faktori, Patrick Komba i tok bikpela tingting bilong ol em long lukim ol lik-

lik manmeri long ol ruel ples i kisim halivim.

Sapos dispela kain sevis i ken go long ol em bai helpim na stretim sindaun bilong ol long ples.

Ol kopi we balus i karim i kam long Yangis em ol bai prosesim long Wapenamanda kopi faktori.

Mista Komba i tokaut tu olsem dispela em bilong helpim ol ruel fama insait long ol bus ples long karim kopi bilong ol i go aut long maket em bai i helpim ikonomi bilong kantri.

Em i tok olsem dispela bikpela toktok bilong Grin Revolusen em nesenel gavman i wok long karimaut wantaim PNG Difens Fos ami balus tasol em i no ron gut tumas bilong wanem planti ol fama long ol bus ples i wok long wet longpela taim tru na kopi bilong ol i wok long bagarap.

"Moabeta gavman i mas putim mani i go long ol lain long praiwet kampani long helpim wantaim balus sevis bilong ol long

bringim ol kopi long bus ples i go aut long maket," Mista Komba i tok.

"Nau yet ol ami balus i wok long karamapim wanpela sait bilong Hailans rijen tasol i stap na narapela sait em kopi i wok long sindaun i stap na kwaliti bilong ol i bagarap," em i tok.

Presiden bilong Wapi-Yangis lokol level gavman (LLG), Jack Nema i givim bikpela tok amamas bilong em i go long Mista Ipatas husat i bin go long Yangis na i tokim ol pipel olsem em bai givim helpim long ol.

Nau dispela toktok bilong em i karim kaikai na balus i ron long karim kopi bilong ol lain long Yangis i go aut long maket long salim.

Mista Nema i tokaut olsem dispela helpim ol i kisim bai helpim ol bilong wanem ol pipel long ol ruel eria i save painim mani long helpim sindaun bilong ol insait long komyuniti.

TOYOTA

**HILUX**  
**SINGLE CAB**

• 4x2 and 4x4 • Limited Stock for  
• Limited Time only

**Ela Motors**

15 BRANCHES NATIONWIDE




**FREE\***  
**ACCESSORIES VALUED OVER**  
**K3000** \*Conditions Apply

Offer Valid from 01/02/06 until Stocks last





# For Rent



RAINBOW UNITS



GORDONS FLATS

We have units available for rent immediately only to corporate clients.

Located at Rainbow village and Lapwing drive Gordans.

- Rainbow village 3 bedrooms fully furnished security fenced.
- Rent at K350 per week
- Gordans 2 bedrooms fully furnished security fenced
- Rent at K250 per week
- Both units have been recently renovated and are in very good condition

For inspections call us now on phone: 325 2500



## Wantok kaikai Wantok

**STRIT PAIT:** WANPELA man i lusim wansait yau bilong em na narapela 6-pela i bin go long haus sik bihain long wanpela bikpela pait namel long ol lain bilong Sauten Hailans long Fonde las wik.

Pait ya i kamap namel long tupela grup, wanpela bilong ol em ol papa graun bilong Gobe oil na ges projek eria na ol i bin kam long BSP benk long Waigani, Pot Mosbi long kisim moni bilong taim ol i painim birua long nara-

pela grup husait ol i gat dinau long ol papa graun.

Ol lain i laikim dinau moni bilong ol i kam kros pait wantaim ol papa graun bilong wanem ol i tok ol i bihainim ol papa graun long taim long kisim bek dinau moni bilong ol tasol ol i no kisim.


Klostu olsem tupela awa olgeta, i nogat kar i ron, fran get bilong benk i pas na rot i pas long ol manmeri i ron i go i kam na tromoi samting long traime na paitim narapela.

Ol papa graun i katim yau bilong wanpela bilong ol dinau lain tasol sampela bilong ol i ronawe long PMV bas na teksi.

Sampela ai witness i tok olsem ol dinau lain i krangki na i kisim ol narapela papa graun na i no dispela ol husait i bin kisim dinau long ol.

Polis i bin kamap na helpim long stopim pait.

POTO: ANDREW MOLEN



# UNIVERSAL FEATURES

VALUE ADDED SERVICES FROM TELIKOM PNG

### CALL RETURN

NOW YOU CAN RETRIEVE THE LAST NUMBER + DATE & TIME OF CALL!!!

### CALL REMINDER

THIS FEATURE SIMPLY ACTS AS A VOICEMAIL BOX!!!

### CALL COMPLETION

NOW YOU CAN CALL UP A BUSY LINE SIMPLY BY PROGRAMMING YOUR PHONE!!!

### ENQUIRY CALL

SIMPLY PUTTING YOUR FIRST CALLER ON HOLD WHILE MAKING SECOND CALL!!!

### CALL FORWARDING

NOW YOU WON'T MISS ANY IMPORTANT CALL!!!

### CALL WAITING

NOW YOU CAN IGNORE OR ANSWER A CALL WHILE ON THE PHONE!!!

### THREE PARTY CONFERENCE

NOW YOU CAN TALK TO TWO PEOPLE AT THE SAME TIME!!!

### HOTLINE DELAY

NO NEED TO DIAL YOUR HOT NUMBER. IT STARTS DIALLING AUTOMATICALLY!!!

*...another friendly reminder for your convenience...*



**TELIKOM PNG LIMITED**  
*Now we're really talking!*




Raun lukim ol meri na pikinini



PLANTI MERI TISA: Gordons Sekonderi Skul tisa insait long NCD, Julie Luwong, Geraldine Yagi na Cathy Rasehei i redim ol skul plen bilong ol.

LAIPSEVA DIWAI: O mama pikinini na ol narapela i kisim gutpela maioro na hait long san aninit long dispeia diwai.



Lo bilong Lukautim ol Meri



Skruiim Toktok long Mentenens

SAPOS yu yet i ronawe, bikos long pasin nogut bilong em, yu mas tokaut long dispela pasin nogut bilong em. Olsem; Em i save paitim yu o ol pikinini? Em i save dring planti na pilai laki na i no save givim yu inap mani bilong kaikai? Em i save raun wantaim narapela meri o traim slip wantaim bebi sita o liklik susa bilong yu i stap long haus. Tokaut long mejistret long olgeta samting na long wanem taim dispela kain pasin i bin kamap nambawan taim.

Sapos man i lusim yu moa long eitpela ten (80) de na insait long dispela taim i gat 14 de we man i no givim yu inap mani long lukautim yu, dispela em i pruf bilong strongim kot bilong yu na noken wari long soim ol narapela pruf. Dispela i no min olsem yu mas wetim 80 de. Sapos yu ken soim long ol narapela rot olsem man i lusim yu o fosim em long lusim yu. Moa long neks wik.

Sotpela Tok Lukaut: Skruim HIV Toktok

EM i gutpela long wok i go longpela taim. Taim yu wok, yu gat mani. Na bai yu gat samting long wokim na i no tingting planti. Yu bungim planti taim olsem ol bormas, ol warwuk na yu stop out. Stap na wok wantaim ol helwim yu long wok na yu lus angting long ol wari bilong yu.

Sapos yu pilim les bikos wok i bikpela tumas, paunim narapela wok we yu i no inap mekim planti wok tumas. Askim bes bilong yu sapos em i ken daunim ol awa o taim bilong yu i wok long ol olsem long wok long wan belo tasol.

Long ples, wok i narakain. Bildim na stretim haus na gaden na wok long komyuniti long skul, etpos, helt senta na ol arapela moa.

Mas Krekols (Mars Crackles)



Kuk Kona wantaim MERI WANTOK

Yu mas Gat:

- Tupela 60 grem mas soklet
1 tebolspun golden sirup
75 grem bata
3 kap rais babel

We yu mekim na Kukim:

- 1- Putim soklet, sirup na bata long...
na kukim i go inap olgeta i tan gut.
2- Putim rais babel wantaim na pulumapim long wanpela trei.
3- Putim long ais bokis na kaikai taim yu redi long kaikai.

Salens bilong ol meri tisa

Veronica Hatutasi i raitim

OL Skul insait long PNG i gat bikpela mak long ol meri tisa long ol.

Planti bilong ol lain i gat bikpela wok long kantri em i luk olsem long skul bilong yu, ol meri tisa i bin skulim yu.

Maski ol i gat ol famili, ol meri tisa i save givim bikpela tingting long wok tisa na mekim dispela wok inap long taim bilong ritaia o stop wok bikos ol inapim mak bilong stop wok na malolo.

Meri Wantok i bin bungim tripela meri tisa long De La Salle (nau) we i kamap Sekonderi Skul long dispela yia tasol.

De La Salle Sekonderi em i wanpela hai skul bilong ol mangi long planti yia na bai selebretim 60

yia bilong em long mun Me bilong dispela yia. Ol de La Salle Katolik Bruder i bin kirapim skul bihain tasol long Wol Woa 2 na yia em 1946. Planti ol bikman long kantri long sait bilong Gavman, pablik na praiwet sekta, sios na komyuniti i bin skul long De La Salle.

Em i namba wan taim long Tisa meri, Mohoto Malt bilong Goroka insait long Isten Hailans provins, long go wok tisa long De La Salle taim em i kisim namba wan Gret 11 long 2006 skul yia. Pastaim, em bin wok tisa long Marianvil Sekonderi skul bilong ol meri, klostu tasol long De La Salle antap long Bomana. Em long 5-pela yia i go pinis.

Bai i gat klostu 800 sumatin long De La Salle, wantaim tripela nupela Gret 11 klas. Ol narapela em long Gret 9 na 10 sumatin manki.

i gat 9-pela meri tisa long 24 tisa olgeta husat i wok tisa nau long De La Salle Sekonderi.

Wanem salens nau bilong dispela tripela meri tisa?

"Dispela em salens bilong mipela we mipela yet i mas tekolim o go insait long em," tripela tisa wantaim i tok.

Misis Malt husat i bin tisa long Marianville long 4-pela yia taim ol bin mekim dispela skul (Marianville) i go sekonderi i tok em bai skulim Komes long Gret 10 na 11.

Em i tok em i lusim skul bilong ol meri na go long skul bilong ol manki i wanpela salens we em bai go long em, tasol em i amamas long kamap wanpela paionia tisa gen long skulim ol sumatin man long De La Salle.

"Mi lukim salens long

kamapim gut pasin (behavior) na skul wok (performance)," Misis Malt i tok.

Misis Koito i wok tisa long De La Salle long 5-pela yia nau.

"Em i taim nau long De La Salle i kalap i go long Sekonderi level na mi amamas tru long skruiim wok tisa long dispela skul," Misis Koito i tok.

Midia meri luksave kempein

Veronica Hatutasi i raitim

WOL Asosiesen bilong Kristen Komyunikesen (WACC) em i wanpela Kristen Non Gavman Ogenaisesen we i save sanap strong long sapatim gutpela komyunikesen long wol na tu, long lukautim rait bilong ol meri, ol trangu na ol arapela pipel long wol we i no kisim gutpela luksave na ol dispela i stap long hevi.

Stat long Februari 16, 2006 inap long Mas 8, 2006, WACC i go pas long wanpela Midia

kempein ol i kolim long "Who Makes the News" o "Husat i Wokim Nius". Dispela em tripela wik eksen o wok wol i mekim long Jenda (man na meri) na Midia (nius-lain).

Yunaitet Nesens Developmen Fan bilong ol Meri (UNIFEM) na Yunaitet Nesens Edukesenel, Saientifik na Kalsereel Ogenaisesen (UNESCO) i sapatim dispela kempein we i promotim ikwaliti long ol man na meri i wok long midia.

Kempein ya i salensim nius midia long

lukim olsem ol meri na man ripota na ol arapela woklain long midia i mas kisim wankain luksave long wankain wok ol i mekim.

Dispela kempein i stat wanpela yia bihain long planti manmeri long ol midia grup long 76 kantri i bin go insait long wanpela wok projek ol i kolim long Global Midia Monitaring Projek (GMMP) 2005 long sanap wantaim na glasim mak long ol meri na man i wok insait long midia eria.

WACC ripot i tok risal bilong dispela GMMP i soim olsem pasin bilong

no givim gutpela luksave long ol meri i wok long midia eria i kamap yet.

WACC ripot i tok kempein bai i pinis long Mas 8, em Intenesenel Wimen's De. Na long dispela de, WACC na ol patna bilong em long wol bai bung wantaim UNESCO long salensim midia i save kamapim nius olgeta de long givim wok bilong redim na autim ol nius i go long han bilong ol meri edita na nius ripota olsem namba wan rot long promotim jenda ikwaliti o wankain luksave long ol meri na man woklain insait long midia bisnis.



# STORI TASOL



wantaim

**FR. PAUL LIWUN, SVD**

## Bikpela senis

MI STORI yet long wokabaut bilong mi go long Enga Provins bipo long Krismas las yia yet. Taim wanpela seminerien bilong Enga i bin kisim odinesen long kamap diken long Erima, namba tu bisop bilong Wabag Daiosis, Bisop Arnold Orowae i bin kamap long Erima na wokim lotu bilong ordinesen.

I gat liklik taim tasol mi bin toktok wantaim em bihain long lotu. Em i stori long mi long kain kain senis i kamap long Enga. I gat gutpela senis na i gat senis nogut. Em i stori planti long senis nogut i kamap. Olsem wanpela pater i bin wok 8-pela yia long Enga, mi i gat strongpela laik long harim wanem samting i kamap.

Dispela senis nogut i bin mekim mi pilim sori na bihain long nait, taim mi wokim meditesen na tingim bek long stori bilong Bisop, ai wara bilong mi i pun-daun nating. Bikos mi pilim olsem hatwok bilong mi long 8-pela yia long Enga i popaia nating. Bisop i bin stori long mi olsem sampela peris na austesen i nogat haus lotu bilong ol nau bikos ol yet i bin kukim long taim ol i pait long ples bilong ol. Piperes Kompam peris, i nogat moa hauslotu bikos ol i bin kukim. Planti liklik haus lotu bilong austesen tu i bin bagarap. Las wik mi bin stori olsem, Dugumaris, em i wanpela austesen bilong Pina peris, mi bin stap na lukautim pipel long dispela ples, haus lotu bilong ol i no sanap moa. Taim mipela i kamap long Akom, mi bin kirap nogut tru, bikos mi inap long lukim klia tru haus lotu na skul bilong Pina stesen. Bipo mipela i no inap lukim bikos planti naispela diwai i sariap na mekim ples i stap grin na gutpela tru. Tasol nau nogat diwai i sanap bikos ol i bin katim olgeta long taim bilong pait. Ples i kamap olsem wanpela deset, bikos i nogat diwai i stap.

Mi bin stap na serim stori wantaim sampela pipel bilong Wabag long wanem ol pait i bin kamap. Planti as bilong pait em i liklik tasol. Bikos planti manmeri i no yusim tingting blong ol gut long stretim, na ol i save usim emosen bilong ol tasol olsem na liklik problem i bin kamap bikpela na bringim bikpela bagarap long planti hap bilong Enga Provins. Sampela manmeri, taim mi bungim ol na ol i save olsem mi bilong Indonesia, ol i save pret. Mi askim, bilong wanem yupela pret taim yupela harim nem bong kantri bilong mi? Ol i tok olsem: Bikos yupela i gat planti teroris i stap.

Tasol yumi save lusim tingting olsem insait long kantri bilong yumi Papua New Guinea, i gat wankain pasin bilong teroris i stap. Yumi save lukluk long olgeta ples, tasol samting i stap long ai teroris i stap na yumi no lukim. Teroris insait long kantri bilong Enga tasol. Planti ples dispela teroris i stap. Teroris wok em i no stopim kar na hold up long kantri bilong Enga long rot na kain kain samting i baga upini nem bilong Kristen kantri bilong yumi, olgeta em i wok bilong teroris. Teroris i stap planti insait long kantri bilong yumi tu. Askim bilong mi long yumi wan wan, husat inap long stopim dispela kain pasin bilong pait na kilm man na meri i dai nating? Planti manmeri i tingting olsem dispela em i wok bilong ol polisman. Em i no tru. Ol polisman i no asua bilong traibel pait. Yumi manmeri bilong ples yet i asua bilong pait. EM I TRU?



**NUPELA SKUL:** Nupela Gret 9 sumatin long Salvesen Ami Sios skul wantaim ol woklain na tisa long Boroko i statim nupela skul yia. Skul bai strongim ol yangpela pipel long komyuniti lidasip na gutpela Kristen pasin we i ken mekim ol i gutpela manmeri bilong PNG, antap long mekim gut long ol akademik sabjek.

# Sevim arapela em bikpela samting

**SAPOS ka i bamim wanpela pikinini bilong yu long Sande moning bai yu lusim em i kisim pen i stap inap tumoro pastaim orait yu kisim em i go long haus sik o bai yu mas hariap long helpim na sevim laip bilong em?**

Tingim, em bikpela de bilong lotu ya. Dispela em bikpela askim Pastor bilong Marimari Luteran sios long Mosbi Pastor Gundu i mekim long Sande lotu long moa long 200 kongrigesen manmeri.

Pastor Gundu i autim tok olsem Jisas yet i

bin soim piksa long yumi long bikpela de bilong Sabat tupela taim pinis we em i mekim orait ai pas man na rausim spirit nogut long wanpela man long bikpela de bilong Sabat.

Tasol dispela em bikpela de tru bilong olgeta bilip manmeri bilong Juda long noken mekim wanpela wok o wanpela samting long Sabat de bikos em i holipela o santu de bilong malolo na lotuim Bikpela.

Pastor Gundu i autim tok olsem pasin bilong yumi ol manmeri tude i narakain tasol yumi

mas tingim pasin Jisas i mekim na bihainim.

Em i autim tok tu long pasin bilong laikim na mekim gut long ol arapela i bungim hevi. Em i tok olsem pasin bilong yumi ol pipel i save mekim nogut long ol lain yumi ting ol i posin lain o i gat spirit nogut. Sampela taim bai yumi holim ol na sutim hot ain long bros bilong ol o paitim ol na pulim ol long graun long ai bilong planti manmeri long lukim. Tasol sapos yu go stret long ol na toktok long ol long nem bilong Jisas bai dispela spirit nogut o pasin nogut

bilong em bai pret na ronawe. Sapos yu go stret long em bai em i save olsem yu go stret long em.

Pasto Gundu i autim dispela tok long buk bilong Luk olsem wanpela gutnius i kam long yumi ol manmeri bilong tude.

Long dispela Sande bai i gat bikpela lotu bung we bihain long en bai olgeta kongrigesen memba i sindaun na toktok long wokabaut bilong sios long dispela yia 2006. Husat memba i gat sampela tingting i ken autim tu long dispela Sande bung.

## Ridima Peris tok gutbai long Pasto

Paulus Tali i raitim

RIDIMA Luteran Peris long Lae i bin tok gutbai long longpela taim pasto bilong ol husat bai go bek gem long ples bilong em long Madang.

Pasto Bunbun Guhop i bin wok moa long 10-pela krismas long Ridima Peris na olsem, planti kongrike-sen memba i bin bung wantaim long tok gutbai na tenkyu long em.

Ol Luteran Kristen long Malahang, Biliau, Hube Memoriel, Luteran Siping, Martin Luta Seminari, Kote, Siassi na Ampo i bin stap insait long gutbai na tok tenkyu lotu bung.

Progrem Dairekta bilong Was long Sipsip (Progrem) Sakey Runoc taim em i autim tok amamas long ol gutpela wok we Pasto Guhop i bin mekim i tok tu olsem maski peris ya em i bikpela, pasto i karimaut wok long lukautim na karimaut wok misin bilong em.

Em i tok Pasto em i man bilong daun pasin na ol yut na Kristen i save amamas long wok bilong em.

Pasto i bilong Karkar Ailan na em bai go bek na wok long distrik bilong em.

# Bringim gutpela sevis long ol sios memba


Paulus Tali i raitim

BIKPELA samting we Evanjelikel Luteran Sios (ELC/PNG) bai mekim long dispela yia em long bringim gutpela sevis bilong Gutnius Ministri na han bilong bisnis i go daun long ol wan wan distrik. Hetbisop Reveren Dokta Wesley Kigasung husat i kisim bek sia long go pas long wok bilong Luteran Sios long PNG i tok.

Samting olsem 4,500 Luteran pipel i bin stap insait long bikpela bung las mun bilong glasim na skelim na toktok long ol samting i sut long wok bilong sios, ol pipel bilong em, sevis na rot sios i go long em, ol hevi na ol wok kamap.

Pasto Gieagere Wenge husat i bin resis tu long sit bilong Het Bisop na i lus taim em i tok amamas long Dokta Kigasung i bin sapotim het bisop na tok long dispela yia, sios i mas lukluk moa na givim moa sapot long wok bilong ol bisnis bilong sios olsem Luteran Siping na Kristen Pres Inkoporetet.

Long bung, ol sios opisel i makim mama sios long Bavaria long Jemeni, Amerika na Australia i bin stap long dispela bikpela bung.



**DOKTA KIGASUNG:** Luteran Sios mas kamapim gutpela sevis



**GOD I SAVE PINIS LONG YUMI NA I SAVE WAS GUT LONG YUMI**

Bikpela, yu skelim pinis bel bilong mi, na yu save tru long mi. Yu save long olgeta samting mi save mekim. Yu stap longwe, tasol yu save long olgeta tingting bilong mi. Yu save lukim mi long taim mi mekim wok na long taim mi slip. Yu save long olgeta pasin bilong mi. Na sapos mi laik mekim wanpela tok, yu save pinis long dispela tok. Yu raunim mi long olgeta hap na yu save was long mi long strong bilong yu. Save bilong yu i antap tru long mi na i winim tingting bilong mi.

PSALM 139:1-6



# De La Salle laikim mani helpim

Veronica Hatutasi i raitim

MANI helpim na strongim pasin bilong luksave na helpim wanpela narapela em ol bikpela samting we De La Salle skul bilong ol manki sumatin i laikim long skruim gut wok na sindaun insait long skul.

Skul Prinsipel Leo Maia i bin wokim dispela toktok taim skul bilong em i go insait long Sekonderi level long stat bilong 2006 skul yia na kamap olsem namba 6 Sekonderi skul insait long Nesanel Kapitel Distrik. Ol narapela 5-pela em long Gordons, Jubili, Gerehu, Kilakila na Marianville Sekonderi.

Mak long 108 sumatin i bin wokim Gret 10 long De La Salle bai skruim skul i go long Gret 11 long wankain skul. Dispela bai kisim mak long olgeta sumatin long Gret 9, 10 na 11 long skul i go long 780. Skul ya i bilong ol sumatin man tasol we ol De La Salle Kongriksen Bruder i bin kirapim na long dispela yia mun Me, skul bai selebretim 60 krismas bilong em.

Mista Maia i tok skul i apgretim ol bilding long mekim spes long Gret 11 i go insait tasol em i laikim mani helpim long Nesanel Kapitel Distrik Edukesen, Nesanel Gavman

## ....Go insait long Sekonderi



NUPELA GRET 11: Tisa Olga Koito i opim dua long kisim ol Gret 11 sumatin long De La Salle.

na Katolik Asdaiosis long baim ol samting bilong kik statim Gret 11. "Mipela i laikim sapot long skruim Edukesen Plen bilong Dipatmen na kirapim Sekonderi level. I kam inap nau, mipela i yusim mani tasol

long skul fi long mekim ol wok. Tru, skul i bin kisim K70,000 helpim long baim ol tebol na sia samting tasol nogat long apgretim ol bilding na karimaut mentenens wok. Na mipela i laikim mak long K20,000 long


baim teks buk samting bilong ol Gret 11 sumatin," Mista Maia i tok. Insait long 60 yias skul i kirap na operet, De La Salle i bin kamapim planti bikman long kantri husat i holim ol bikpela wok long gavman, praivet sekta, sios na komyniti. Long planti yia i go pinis, skul i save kamapim ol top sumatin husat i bin save wokim gut long akademik sait tasol ol kain bikhet pasin bilong sampela sumatin i bin daunim nem na gutpela rekot bilong skul insait long sampela yia nau.

Tasol Mista Maia i tok gutpela sapot na wok bilong skul bot, ol papamama, tisa na sumatin, skul i wok long kamap gut bek gen long akademik sait na tu, long ol sosel o bikhet pasin hevi.

"Skul i wok long kamap gut nau na mi amamas. Long sait bilong kalt, mi amamas olsem nius i bin kamaut long pablik las yia olsem ol De La Salle i gat dispela hevi na skul i bin inap long daunim.

"Tasol wanpela bikpela samting i save kamap long skul bilong ol manki em long pait pasin. Mipela i laik strongim ol manki long pasin bilong luksave maski ol tingting na lukluk bilong ol i narakain na i no olgeta taim ol bai wanbel.

**TOK LUKAUT** wantaim **DAVID EPHRAIM**



## NIO mas strongim wok

TRIPELA ten krismas bilong kantri i kamap na yumi amamas na em i go pinis. I tru olsem Papua Niugini em wanpela stronpela kantri insait long Pasifik? Yu tingting na bekim yu yet. Lo bilong kantri em sanap long stretim na kamapim gut bel namel long yumi ol manmeri bilong dispela kantri.

Yumi bin lukim bikpela bel kros i kamap namel long sampela lida bilong yumi long Australia long dispela EPC program. Luther Wenge em i wanpela stronpela man we i sanap strong long tokaut long lo bilong yumi. Yu ting wanem? Mista Wenge i wokim samting stret long traim kamapim sampela kain strong we yumi gat. Long soim tu olsem yumi independent kantri.

Hapsait go olsem long Vanimo yumi harim olsem wanpela bisnis man i lus, tude yumi no save yet. Moa long dispela i gat kain kain pasin raskol i save kamap long boda wantaim Indonesia. I gat planti kain piksa nogut, gan i save kam insait long kantri long senisim wantaim mariwana ol i kolim long Niugini gol.

Moa long dispela, aninit stret long nus bilong Gavman wantaim long lida bilong kantri. Yumi lukim stret ol Fiji bipo soldia i kamap long kantri na go insait long Bogenvil long helpim Noah Musingku.

Nau yu skelim, husat i asua, Australia o ol Fiji? Mista Wengei save toktok na sanap strong long ol lo bilong kantri. Nau em wokim wanem? Moa long dispela Gavman i no kotim ol aninit long lo bilong kantri na tu intenesenel Kriminol kot lo. Nogat em lusim ol i go tasol. Dispela em i wokim lo na konstitusen i no gat strong. Em soim olsem ol lai n bilong Osama Bin Ladin ken kam stap na wokim wanem ol kain pasin teroris ol laik wokim.

Bikpela samting em Nesanel Intelijens Opis i stap tasol wok bilong ol ino klia tumas. Bikos ol tu i no save long dispela ron bilong ol foma soldia bilong Fiji.

Sapos Gavman tingting long kantri na ol manmeri. Em mas mekim save long ol kain manmeri husat i brukim lo bilong yumi. Maski long tinting tumas long Melanesian wei nabaut. Dispela bai no nap helpim ron bilong kantri tude insait long kain pasin teroris na bikpela ol intenesenel kriminel pasin..

# Bogenvil Redi long NEB miting

Veronica Hatutasi i raitim

**BOGENVIL** bai lukautim bikpela miting bilong Edukesen long neks wik.

Dispela em long Nesanel Edukesen Bot (NEB) miting bai stat long neks wik Mande Februari 13 inap long Fraide 17. Olsem long nau, Bogenvil Edukesen Divisen i mekim ol wok redi long dispela bikpela bung.

Asisten Edukesen Seketeri long Bogenvil Otonomes Rijen, Tony Tsora i tok dispela em i wanpela "Historik" bung bilong ol bikman long Edukesen long wanem, em i namba wan taim ol i holim kain bung long ailan. Ol i save holim wankain bung long ol wan wan provins long kantri olgeta yia.

Edukesen Seketeri Dokta Joseph Pagelio bai lusim Pot Mosbi long dispela Sarere na go wantaim 13-pela mamba NEB bilong em long Buka.

Mista Tsora i tok ol

bikman bai toktok long ol bikpela samting bai kamap insait long Edukesen long dispela yia, na tu, glasim na skelim ol arapela samting we edukesen Dipatmen i gat long em long ol yia i kam.

Em i tok ol bikman i laik lukim ol wok go het long edukesen insait long Bogenvil na olsem, ol bikman bai bruk i go long tripela grup na go long tripela distrik olsem Buin long saut Bogenvil, Kieta long Sentrel na Buka long not long lukim long ai bilong ol yet ol wok kamap aninit long nupela edukesen rifom long ol hap.

Ol bai raun i go long ol distrik fil trip long Trinde, Fonde na Fraide, bihain long tupela de miting i pinis long Mande na Tunde.

Bai ol i go lukluk raun tu long Buin hai skul we i kamap olsem sekonderi skul long stat bilong nupela skul yia.

Mista Tsora i tok wantaim tok orait bilong ol Me'ekamui lain long rotblok husat i tok ol bai

lukautim gut ol tisa na noken mekim nabaut long rotblok, ol bai raun gut i go long Buin na ol arapela skul long bik ailan wantaim gutpela bel. Mista Tsora i tok olgeta skul long Bogenvil i bin stat gut long las wik Mande Januari 23 na dispela i karamapim tu ol skul

olsem Tonu na Monoitu long Siwai eria we sampela ripot i bin tok ol i bungim hevi long wok bilong U-Vistrak na ol Fiji soldia i kisim ol yangpela skul manki long trening soldia program. Em i tok ol dispela i lusim skul em ol lain we ol i kisim ol long solda na sekyuriti tren-

ing long Tonu.

Long wankain taim tu, Mista Tsora i tok em i no lukim o harim sampela komplek long ol skul i kisim U-Vistrak sek olsem skul fi peimen mani.

Em i amamas long moa skul insait long No-Go Zon eria i op long dispela skul yia.

## Ol nes wetim Traibunel

Veronica Hatutasi i raitim

OLGETA samting ol nes i wari na lusim wok long em bai gavman na Helt Dipatmen bai lukluk long ol, Deputi helt Seketeri Dokta Isaac Ake i tok. Long keis bilong ol Wewak nes i bin holim stop wok las wik, Dokta Ake i tok tupela opisa bilong Helt Dipatmen i bin go long Wewak yet na karimaut ol wok painimaut na em i wetim ripot long kisim i go long Dipatmen long lukluk long em.

Long nau, olgeta nes long kantri i go bek pinis long wok na ol i wet tasol sindaun bilong Traibunel i harim keis bilong ol. Toktok Wantok i kisim long dispela wik i tok ol loya bilong PNG Nes Asosiesen na ol bikman bilong ol i go pas long makim ol nes, tasol ol i wet yet long Gavman na Helt Dipatmen long givim tok klia long ol.

Tok klia i sut long inapim disisen long go hetim 2000 awod bilong ol long ol alauwens, sefti na kondisen bilong ol we ol bin holim straik long em long 16-pela de long Krismas na Nu Yia taim.

"Mipela i wet long Traibunel i kamap. Mipela i no kisim wanpela gutpela bekim long gavman na Helt Dipatmen long wari bilong mipela na Traibunel bai harim ol toktok bilong gavman, helt Dipatmen na ol witness long sait bilong mipela. Nau yet, olgeta nes i go bek pinis long wok," wanpela haus sik wokman husat i no laik bai nem bilong em i kamap long niuspapa i tok.

Long wankain taim tu, ol nes long Wewak Haus sik husat i bin lusim wok bikos ol i no amamas long menesmen bilong Wewak Haus sik na makim ol opisa i go long ol sinia posisen i go bek long wok.

**Cambridge International College**  
ACCREDITED TRAINING FOR YOUR CAREER SUCCESS

Diplomas, Advanced, Honours, Graduate

- \*Accounts, Finance, Business, Management
- \*Personnel, Marketing, Computers, Insurance
- \*English, Purchasing, Secretary, Leadership
- \*Tourism, Hotels, Stores, Advertising, Office

Baccalaureate, BBA, BCom, BMA, MBA

- \*Business Administration, Marketing, Strategy
- \*Human Resource, Finance, Commerce
- \*Organizational Management, Executive

Fees include all Training Materials, Guidance, Tests, Revision, Examination, Marking, Award.  
Diploma Fees: £150 or US\$300 or AUS\$350  
For a FREE Prospectus, write, fax, or email:

**CAMBRIDGE INTERNATIONAL COLLEGE**  
Box 1378, So'ton, SO17 3WX, Britain  
Email: info@cambridgecollege.co.uk  
Web: www.cambridgecollege.co.uk

ODIAC ASE T  
ACCREDITED AWARD  
Papua New Guinea National Training Council Approved Training Provider



## Noken opim dua long ol ausait man

**Dia Edita**

MI WANPELA mangi Kabwum long Morobe provins na nau mi i stap long Kimbe. Na mi laik autim wari bilong mi i go long Mema bilong Kabwum Bob Dadae na Ukata Distrik Presiden olsem, plis yutupela gutpela Lida. Ki bilong dua bilong Kabwum em yutupela holim olsem na i noken opim dua long narapela provins o ausait man i go insait long Kabwum distrik.

olsem wanem? Yutupela i gat ai na yutupela i gat het. Yutupela yet i ken sikelim na lukim.

Sotpela wari bilong mi em tasol. Husat brata o susa i laik sapotim o agensim, bai mi amamas tasol long lukim long *Wantok, niuspepa* bilong yumi stret.

**DICK GANAU  
KIMBE  
WES NU BRITEN  
PROVINS**

Nau yutupela lukim Lae siti em i stap o ron

## Gavman nogat luksave long Enga provins

**Dia Edita**

MI LAIK givim liklik wari bilong mi long pasin korapsen long Papua Niugini. Mi wanpela mangi Kutalam long Laiagam distrik, Enga provins. Wari bilong mi olsem bipo long 1995 kam inap long 2005 i nogat wanpela helpim bilong nesenel gavman na provinsel gavman bilong Papua Niugini. Mipela ol pipel bilong Enga mipela kisim sevis long Pogera Main tasol. Papua Niugini Gavman i no givim wanpela sevis long Enga provins. Mi gat wanpela askim olsem, ating PNG Gavman i no save givim baset kam long Enga provins? Mi kliarim korapsen kamap long em em ol dispela.

PTB Woks dipatmen bilong Enga em bus kem.

Ol pablik seven bilong gavman ol i no wok na helpim mipela pipel bilong Enga, ol i go we?

Sampela em ol skul na eit pos na bisnis na risos bilong Enga em ol bagarap. I nogat wanpela helpim bilong Gavman i stap long Enga provins. Wanpela helpim tasol em PJV Maining em helpim nesenel haiwe na ol liklik han rot na wanem taim PNG Gavman bai helpim Enga provinsel gavman bilong stretim bek na lukautim ol fida rot, skul, haus sik na *PTB Woks Dipatmen*.

Nesinel Gavman bai sori long Enga pipel o nogat. Em tasol liklik wari bilong mi.

**ROYAL AHWII  
LAIAGAM  
ENGA PROVINS**

## Wewak intanesenel ples balus we?

**Dia Edita**

MI LAIK raitim dispela pas i go long *Wantok Niuspepa* na askim Paim Minista na Gren Sif Sir Michael Somare long wanem taim bai em bai wokim nupela intanesenel ples balus long Wewak. Planti toktok na stori i wok long kamap long niuspepa na wanem taim tru bai em kamap tru.

Long Mande 23/01/06 Sir Michael i opim nupela ANZ Benk long Wewak taun em i tok bai Wewak ples balus em neks projek bilong gavman bilong em long 2006 i go long 2007.

Mi tu mi laik sapotim Sir Michael na mi laik lukim Wewak ples balus i kamap intanesenel bai ol balus i kam pundaun na kirap long olgeta hap bilong ol.

**JOHN KRISAKI  
WEWAK  
IS SEPIK PROVINS**

## Heven i nogat pik long kaikai

**Dia Edita**

MI LAIK bekim pas bilong Michael Marius, Wewak na Mista PI, Lorengau long 26/01/06. Het toktok long kaikai pik. Tupela brata, pas bilong yutupela i kam gut, tasol yumi kisim gut as bilong tok pastaim na skelim. Mi no klia olsem yutupela save long olgeta tok long buk Jenesis i go inap Revelesen o nogat. Jisas Krai i tok, yumi mas ske- lim tok long trupela na stretpela rot olsem em yet.

Tru olsem, God yet bai soim yumi sapos yumi gat tru spirit, olsem na yumi mas i go klostu long

Kingdom bilong God pas- taim na God i givim Holi Spirit na Holi Spirit bai soim yumi rot tru, kaikai na pasin tru i go long Kingdom bilong God. Samting i stap ples klia long tingting na save bilong olgeta man olsem heven i no ples bilong kaikai pik, dok, snek, kakaruk o sipsip. Heven em ples bilong rut na wara tasol, na Jisas Krai i tok, Satan i papa bilong olgeta samting long dispela graun na rot i go long heven i hait na liklik tru long yumi sin man. Yumi lukim olsem kakaruk, pik, sipsip, o kau i dia tumas

long prais, tasol kaukau, kokonas na popo i liklik tasol long prais. Em nau yumi bai putim wanem kain kaikai long tingting na lewa bilong yumi? Tingting gut, God na Jisas save laikim dia samting o liklik samting?

Mi no putim Baibel teks tasol yu yet painim, bikos planti taim mi save rait. Sapos em i hat tumas long yu orait putim step i go insait long Tenpela Lo bilong God na bai olgeta samting bilong God i ples klia long yu.

**PETER TILINI  
LAE**



## Sande em bikpela de bilong go lotu, de bilong em stret

**Dia Edita**

MI WANPELA kristen memba bilong Luteran Sios. Mi laik stretim tingting bilong John P. Wali bilong Kimbe. Tok bilong em i stap long *Wantok 12/01/06*. Brata Wali, yu bin tok olsem "Nogat wanpela Baibel ves i tok long yumi lotu long Sande."

Brata, ol dispela Baibel ves yu putim long tok bilong yu, em ol yu lukim long Olpela Testamen. Em Lo God i givim ol Israel. Ol dispela Lo i olsem waspapa i lukautim ol na bringim ol Israel i kam long Krai, Gal 3:24-25. Tasol samting tru em i Krai, Kolosi 2: 16-17.

Ol kristen manmeri i bilip long JISAS, ol i lukim Sande em i bikpela de bilong Bikpela, Rev 1:10, na ol i bung Lotu na kisim komunio long dispela de,

Apos.20:7. Ol Aposel bilong Jisas ol i kolim "Sande" em i bikpela de, 1 Korin 16:2, na ol nambawan lain kristen long dispela taim ol i bung lotu long Sande. Nau inap long olgeta kristen sios long graun ol i bung lotu long Sande.

Long wanem, long dispela de tasol Bikpela bilong ol Jisas Krai i kirap bek long matmat, na i go visitim ol disaipel, John 20:19, 26. Na Holi Spirit i kam long Sande tasol na kirapim sios bilong Jisas Krai, Apost 2:1. Na brata, lukim tu John 4:23-24 na Galasia 4:10-11.

Em tasol, tenkyu na God i blesim yu.

**L. KOPA  
WAPENAMANDA  
ENGA PROVINS**

## Bihainim sios oda bilong yu yet

**Dia Edita**

MI LAIK bekim pas bilong brata John P. Wali, em sapotim Peter P. Nana long Januari 12, 2006. Yes brata John, long tok bilong yu long Exodus 31:12-17, em i stret na tu, long AD 325 Emperor Constantine bilong Rom i bin senisim, yu ting wanem long dispela senis.

Em brukim lo bilong Sabat? Mi askim yu long lukim Luk 13:10-17 na Mak 3:1-5 na Mak 2:23-28. Jisas i mekim wok long de Sabat o nogat?

Brata Jon na Peter, wantaim ol arapela bratasusa husat i save toktok planti long de Sabat. Jisas i kam long graun em i brukim lo bilong Sabat, ating Jisas em i narapela na God em i narapela?

Olsem na em i brukim lo bilong Sabat we God i tambuim. Brata mi lik tokim yu olsem, tok bilong yu em tru, tasol tok bilong yu em i wok long bagarapim bilip bilong ol arapela i gat liklik bilip we ol i laik bihainim Jisas na tok bilong em.

Mi laik tok olsem hamas lotu i stap long dispela graun, ating em i ova long 1000 lotu.

Olsem na yumi wan wan lotu i mas bihainim doktrin na sios oda bilong yumi.

Dispela bai stret na tu Martin Luther i bin bruk lusim Katolik sios long pasin bilong lotu tasol nau long Januari 2006 tupela i laik wok poroman long autim Gutnius bilong Jisas long Sinod bilong Luteran Sios i kamap long Kabwum, Morobe provins.

Tupela i wokim agrimen bilong wok bung wantaim. Dispela bihainim wok, bilong Holi Spirit, God i givim yumi. Na tu dispela i bihainim Buk Song 82:6 na John 10:34-35.

Mi bai amamas long bekim bilong yupela.

**GISUNG NGADUP  
MUMENG  
MOROBE PROVINS**

## Skul sumatin i laikim helpim

**Dia Edita**

GIVIM liklik spes na mi laik stori liklik long mi yet. Taim mi liklik mangi yet, ol birua i bin kilim papa i dai.

Na bihain long sampela krismas i kam i go pinis, mama i bin go marit long narapela hap wantaim wanpela man gen.

Em nau mi bin i stap long ples bilong papa na stat long wokim gret 1. Na taim mi stap long skul, nogat wanpela i bin helpim mi long skul olsem sop, pensol na moni.

Olsem na stat long gret 1 i kam inap gret 8 nogat wanpela helpim i bin kamap. Na long pinisim gret 8 mi bin wokim nesenel eksem.

Na mi bin pas long eksem na mi bai wokim gret 9 bilong mi long dispela yia 2006 long Kutubu Hai Skul, long Sauten Hailans provins.

Tasol mi nogat sapot long wokim gret 9 bilong mi. Mi nogat mani long baim skul fi, klos, betsit samting na sop.

Olsem na mi yet mi laik tok klia olsem, sapos yu wanpela man o meri i laik adoptim mi olsem pikinini bilong yu stret, yu ken sapotim mi long skul bilong mi.

Em tasol na husat i laik adoptim mi, yu ken raitim pas i kam long dispela adres: Kutubu High School, PO Box 419, Mendi, SHP.

**JOHNSTAN YAMEX  
IALIBU  
SAUTEN HAILANS PROVINS**



**Yu laik autim tingting bilong yu -  
Salim wanpela pas i kam long Edita long:  
Ol Pas i go long Edita  
P. O. Box 1982  
BOROKO  
NCD**

**Sapos yu save long email, yu ken salim pas bilong yu i kam long: [editortial@wantok.com.pg](mailto:editortial@wantok.com.pg)  
Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa.  
Wantok i gat rait long katim o stretim ol pas bai em i bihainim olgeta lo bilong niuspepa.**



**WANTOK**  
**KOMENTRI**

**Mani, pasin pamuk na sik AIDS**

DISPELA tripela samting i wok long sindaun poroman strong moa yet na komyuniti bilong yumi i wok long bagarap i stap.

Bikpela tok pait nau i wok long go het long ol nait klab na pati ples i wok long strongim hevi bilong HIV/AIDS.

Ol sios, komyuniti grup na manmeri bilong publik insait long kantri i autim tingting bilong ol pinis olsem gavman i mas lukluk strong long ol nait klab na pati ples na kamapim wanpela strongpela lo bilong was long ol.

Olgeta dispela toktok i kam long ol manmeri bilong publik, komyuniti grup na sios i no toktok nating. I gat as bilong en.

Long biksiti Mosbi, bai yu ken lukim kain kain liklik pati ples i kamap. Sampela i kamap nating namel long ol ples bilong ol hauls i stap long en. Sampela i save kisim ol yangpela meri bilong werim ol klos we i save pulim ai bilong ol man.

Planti taim ol mani man, bikman na wokman wantaim i save skin kirap long go long ol dispela pati ples bilong ol lukim ol yangpela meri.

Wanpela kibung we i kamap long Tunde long dispela wik long Mosbi namel long ol papa bilong ol klab na pati ples i lukim ol bosman bilong ol pati ples i tok bikpela hevi bilong ol dispela kain pasin pamuk i save kamap em i no ol wokmanmeri bilong ol yet i save mekim, nogat.

Ol i sutim tok long ol ausait manmeri husat i save go long ol dispela ples husat i save mekim dispela kain paul pasin.

Tasol husat tru i ken daunim ol pasin pamuk we i save bagarapim ol famili na komyuniti bilong yumi?

Nau gavman i lukluk long kamapim lo bilong was long ol klab na pati ples. Tasol dispela wok bilong daunim ol kain paul pasin olsem pasin pamuk we i save strongim hevi bilong sik AIDS, i no wok bilong gavman tasol.

Ol hotel na klab na pati ples tu i mas luksave olsem sapos ol i laik mekim wok bisnis bilong amamasim ol manmeri bilong publik, ol i mas mekim wok bilong banisim publik long sik AIDS na pasin pamuk.

Long wanem as tru? Em bikos taim wanpela man o meri i putim lek bilong em insait long wanpela klab o pati ples, em i kam aninit long lukaut bilong papa bilong dispela pati ples na ol wokman bilong em. Sapos ol i lukim pasin pamuk i kamap na ol i no stopim, em nau, papa bilong dispela klab o pati ples i asua.

Gavman nau i mas kamapim lo bilong mekim-save long ol papa bilong ol pati ples sapos ol i no lukautim gut sindaun bilong publik.



**Katim lek bilong reip man**

...kilim tu bai orait o?



**TUPELA wik i kam yumi lukim na ritim stori bilong reip insait long kantri. Dispela pasin bilong reip o man i bagarapim meri i wok long kamap bikpela long planti taun na siti bilong yumi long PNG.**

Las wik tasol stori bilong 11-pela man i bagarapim wanpela skul meri long Lae. I no long-taim wanpela meri i pusim liklik skul mangi krismas bilong em aninit long 16 long slip wantaim em long Goroka na arapela senta tu em wankain stori olsem i kamap long niuspepa.

Dispela kain stori nogut em i no gutpela long yumi mekim bikpela nius long en bikos em i bagarapim tru nem na yumi tu wantaim. Ol dispela man nogut i mekim dispela pasin nogut na

yumi ol arapela bai kisim nem nogut. Ol ovasis lain bai tok olsem yumi ol man bilong PNG em wel dok lain.

Yumi no inap askim tumas ol niuspepa lain long wanem na ol i laik putim dispela kain stori long fran pes. Bikos dispela kain trabel em bikpela hevi na em i bikpela nius. Man i mekim olsem ya i soim olsem het bilong em i no stret. Na dispela kain het longlong man i save kamapim bikpela hevi na nius bilong em tu i save bikpela.

Olsem na moabeta ol lida na lo lain bilong yumi i mas sindaun na glasim dispela hevi. Em i sik nogut, nem nogut na i mekim ples i sting olgeta. Olsem na ol lida i mas taitim lo

long pasin bilong reip.

Yumi ol Kristen lain i save harim dispela hap tok we i tok, "sapos han sut bilong yu i kisim yu go mekim sin, orait katim dispela han na tromoi i go". Olsem wanem, inap lo i ken katim lek bilong ol raskol lain olsem na tromoi i go tu o nogat?. Bikos lek bilong ol i karim ol i go mekim sin. O olsem wanem, lo inap katim pispis bilong ol na tromoi i go tu o nogat?.

Lo bilong hangamapim man i kisim narapela man i kamap pinis tasol i no wok yet. Sapos dispela lo i isi isi tumas long wok, orait statim wantaim lo bilong katim lek bilong man i reip.

Sapos yu wanpela lida husat i gat susa na pikinini meri, o brata susa na kandre bilong yu ol i gat pikinini meri, orait yu skelim gut wanem kain laip bai ol istap long en sapos ol kain man nogut olsem i raun na

mekim pasin reip insait long komyuniti bilong yumi. Ol meri i mas raun fri na sindaun wantaim amamas. Yumi no laikim bai laip bilong ol i bagarap bikos wanpela wel dok man i bagarapim laip na sindaun bilong em olgeta.

Long kastom bilong planti bilong yumi em ol tumbuna i save kilim kain man olsem. Tasol nau em olgeta man nogut i gat rait long stap laip.

Inap ol sios grup i givim yumi sampela tingting tu long dispela hevi?. Bikos dispela hevi i no inap pinis inap wanpela bikpela disisen i kamap long daunim na stopim. Na em i wok bilong sios tu long givim tingting. Yes yumi save long tok i stap long Baibel olsem, 'Lusim asua bilong arapela husat i mekim strong long yu'. Olsem na husat stretpela man tru bai i tok olsem?.

I mas gat ansa. Na ansa i mas kam long lo.

**Tok gris na bodi bilong meri i olsem trep**

I GAT wanpela kain megnet pawa i save stap insait long bodi bilong ol meri.

Maski yu wanpela strongpela man o yu wanpela strongpela loman o bikpela man bilong king na gavman, bai yu inap pas long dispela megnet pawa bilong ol meri.

Nambawan bikpela samting em tok gris.

Satan i bin bungim meri lv long Gaden Iden na em i laik grisim lv long kaikai pikinini bilong diwai bilong givim save long ol man, em God i bin tambuim long en.

Satan i traim olgeta strong bilong em long grisim meri, long meri i mas harim tok bilong em.

Meri i traim long helpim em yet na tok nogat, tasol nogat. Satan i bin winim meri long tok gris na meri i bin pundaun, na bihainim tok gris bilong Seten, dispela pawa bilong tok gris i bin i go insait long bodi bilong meri.

Taim meri i suvim han na holim dispela pikinini bilong diwai, naispela na gutpela megnet pawa i stap insait long



kaikai bilong diwai i bin lusim diwai na i go insait long bodi bilong meri, na pawa bilong tok gris insait long bodi bilong meri i go bikpela.

Meri i go traim dispela long man (Adam) na Adam i harim tok na kaikai dispela pikinini bilong diwai God i bin bin tambuim long ol.

Meri i tasim dispela diwai pastaim olsem na naispela pawa i bin lusim dispela diwai na i go long bodi bilong meri, na meri kamap naispela tru i winim naispela bilong man.

Taim meri i givim hap kaikai long man na em kaikai pinis ai bilong em i op.

Meri i kaikai pikinini bilong diwai bilong givim save na gutpela tingting pastaim, olsem na pawa na gutpela bilas bilong dispela diwai i go insait long bodi bilong meri. Na em i luksave long em yet em i stap

olsem wanem.

Em nau, em i givim hap kaikai long man na man i kaikai na ai i op, na em i luksave tu long sindaun bilong tupela.

Magnet pawa bilong tok gris bilong Seten na gutpela na naispela megnet pawa bilong dispela diwai bilong givim gutpela save i pulap long meri.

Olsem na ol ensel na man i pundaun long ol na bihainim laik bilong ol.

Nambawan man Adam i bin harim tok bilong meri na em i no bin pret long God, olsem tasol man na ensel i bin harim tok bilong meri.

Abraham em i strongpela bilip man, tasol em i bin harim tok bilong meri na yusim wok-meri olsem meri bilong em. Taim Sara i grisim Abraham, Abraham i no sakim tok gris bilong em. Abraham i mas save dispela em i rong, tasol em i bihainim tok bilong Sara yet.

Dispela megnet pawa bilong meri i bin mekim na ol sekem i bin kisim bagarap na lusim laip bilong ol tu.

King Davit em i strongpela king na em i bin kilim laion na bea na tu em i bin kilim dispela traipela man bilong Filistia ol i kolim em Golaiat.

Dispela naispela megnet pawa bilong meri na Davit i bin baim mikal pikinini bilong King Sol wantaim 200 skin bilong sem bilong ol man olsem pe bilong meri. Maski Davit i gat ol dispela kain strong na tu em save i stap aninit long God, tasol dispela megnet ol i kolim naispela long bodi bilong meri i bin pulim Davit na em i bin kilim Uria na maritim meri bilong em Batseba.

King Solomon i bihainim skul tok bilong papa bilong em Davit, na em i save bihainim tok bilong God; tasol dispela menet pawa ol meri i save holim o stap insait long bodi bilong ol i bin winim Solomon na bagarapim olgeta wok bilong em.

Solomon i gat gutpela save na tingting i winim narapela king tasol, dispela 1,000 megnet pawa bilong ol meri i winim gutpela save na tingting bilong king Solomon na tu i winim golden bilas long Solomon tu.

**WANTOK**

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

**Ples:** PNG AUSTRALIA ASIA PACIFIC na JAPAN AMERICA na EUROPE  
**Air:** K220.00 US\$110.00 US\$150.00 US\$210.00

A/General Manager Elizabeth Konga

Editor Neville Choi


Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.





# HADIBAIA-TOK



Disemba '05 - Januari '06

Niusleta bilong Famili na Seksuel Vailens Eksen Komiti

OL WAN LONG PNG I TOK



**Putim wanpela waitpela ribon na sapatim komyuniti eksen long stopim vailens long ol famili na ol manmeri.**

Lalp i nogat vailens em i rait bilong yumi.

## FAMILI NA SEKSUEL VAILENS EKSEN KOMITI.

Profesa Lawrence Kalinoe i siaman. FSVAC i bin kamap long 2001 olsem wanpela komiti aninit long Konsaltativ Implementesen na Monitoring Kaunsil (CIMC). Em i wanpela nesenel bodi we wok bilong en em long lukluk long ol hevi long ol famili na seksuel vailens na painim ol gutpela rot long stretim.

FSVAC i gat 6-pela eria ol i save lukluk long en taim ol i wok long dispela ol hevi bilong famili na seksuel vailens. Ol dispela eria em;

Institusene Fremwok, ol senis i kamap long lo (Ligel Rifoms), sevis bilong ol lain i bungim dispela kain hevi (Sevises fo Viktims), ol trabol lain (Pepetretas), putim was long komyuniti long dispela kain hevi bai i noken kamap (Komyuniti Privensen na Rispons) na bungim na kaunim namba bilong ol hevi i kamap.

Welkam long dispela isiu bilong *Hadibaia Tok* Disemba 05-Januari 06. Mipela long FSVAC i laik yupela olgeta i gat gutpela yia long wok na mipela i lukluk i go het long planti gutpela na bikpela samting.

# Ol haus i no gutpela ples moa

Wok painimaut i soim olsem 99.9% long vailens o pait pasin i save kamap long haus

Wok painimaut long famili na seksuel vailens i kamap pinis long Nesenel Kapitel Distrik na ol samting ol i painim i soim olsem planti lain i save kisim dispela hevi em ol meri husat krismas bilong ol i stap namel long 26 na 35.

Dispela wok painimaut we CIMC-FSVAC i go pas long en we ol i yusim ol rekot bilong olgeta sevis ejensi bilong FSV long Nesenel Kapitel Distrik i soim tru krismas, tokaut olsem man o meri na i kisim skul i go long wanem level long sait ol lain i kisim bagarap na ol trabel lain wantaim.

Plantu bilong ol trabol lain em ol man we krismas bilong planti i stap antap long 36 na mak bilong ol long skul i go inap olsem hai skul o aninit. 63% bilong ol meri husat i save kisim bagarap em ol marit meri na 99.9% bilong ol dispela hevi i save kamap long haus bilong ol. Kisim bagarap long het em i save kamap long planti bilong Ol dispela lain.

### Krismas Grup

Dispela tebol (Tebol 1) i soim krismas bilong ol lain i kisim bagarap (viktem) na ol trabel lain.

Table 1. Distribution of Age Group

Ref.	Age Group (Years)	Survivor	Percentage	Offender	Percentage
A.	1 - 12	21	26.7	3	4.9
B.	13 - 25	18	22.8	4	6.3
C.	26 - 35	30	38.0	25	39.1
D.	36 - Over	10	12.7	32	50
	<b>TOTAL</b>	<b>79</b>	<b>100</b>	<b>64</b>	<b>100</b>


### Ol yangpela na ol marit

Piksa tebol daunbilo i soim husat long ol lain i kisim hevi i marit na husat i no marit.

### Piksa 1.

Wok painim aut ya i painim olsem 13.9% bilong ol hevi we ol i ripotim em ol meri husat i no marit yet na 63.3% em ol marit meri. Dispela i soim olsem moa Long hap bilong namba bilong ol lain i kisim bagarap long FSV em ol marit meri husait planti bilong ol i yangpela tru.

### Ol lain i marit na i no marit husat i kisim bagarap long FSV we ol i ripotim



CIMC em i wanpela independentt organisasen husat i save bungim ol manmeri i long siwal sosiaeti, praiwet sekta o ol bisnis na gavman wantaim. Long kamapim ol polisi long lukluk na traim long mekim gavman i sentisim sampela samting long gutpela bilong divelopmen bilong kanti bilong mau na bilhain taim.





# Vailens long haus i antap tumas

**NOTIS BOD**

(I kam yet long pes 16)

Edukesen level o mak bilong skul

Dispela tebol i makim edukesen level o mak bilong skul.

Tebol 2. Soim mak bilong skul.


Ref	Education Level	Survivor	Percentage	Offender	Percentage
I.	No Education/Nil	12	15.2	10	15.6
II.	Primary	17	21.5	8	12.5
III.	High/Secondary	25	31.7	17	26.7
IV.	College/Technical	5	6.3	14	21.9
V.	Tertiary	2	2.5	7	10.9
VI.	Not Available	18	22.8	8	12.5
	<b>TOTAL</b>	<b>79</b>	<b>100</b>	<b>64</b>	<b>100</b>

Wok painimaut tu i soim olsem ol meri husat i pinisim bikpela skul olsem yunivesiti o koles i no save bungim dispela kain hevi tumas na ol trabel lain husat i kisim wankain mak bilong skul i no save mekim planti vailens tumas.

**Bikhet pasin long ol narapela (asalt)**

Ol asalt (vailens o bikhet pasin) long dispela wok painimaut em ol i brukim i go insait long wan wan grup, seksual asalt, fisikol asalt na non fisikol asalt olsem piksa daunbilu i soim.

Piksa 1: Soim ol kain kain asalt.



Wok risets i soim ol i rekotim 79 pela fisikol asalt we planti bilong ol bagarap i kamap long het, bihain long en me seksuol asalt we i soim dispela i kamap planti taim na namba bilong en i stap antap na bagarapim narapela long maus tasol ol kolim em kain kain nem na tok nogut i kisim bikpela namba tu long sait bilong non-fisikol vailens o asalt.

Wok risets i soim tu olsem 99.9% bilong dispela hevi we ol i ripotim i save kamap long ol haus. Ol meri na ol pikinini i save kisim taim tru long dispela ol vailens na asalt.

Wok bilong bungim moa infomesen bai go het yet na bai suruk i go long ol narapela distrik na provins long 2006.

## FSAC amamas long Yali i kisim 12-pela yia long kalabus

Famili na Seksuel Vailens Eksen Komiti (FSVAC) i amamas olsem kot i givim 12-pela yia kalabus long Raikos MP na Gavana bilong Madang James Yali bihain long ol i painim em i asua long reipim tambu meri bilong em husat i gat 17 krismas tasol long 2004.

FSVAC i tok amamas long Jastis David Cannings husat i givim dispela jasmen long trabel bilong Mista Yali long Madang.

Dispela jasmen i soim olsem pasin bilong reip i noken kamap long kantri.

Wokim pasin bilong reip long ol yangpela meri na pikinini em i agensim lo bilong humeniti na ol komyniti i mas kirap na tok nogut long dispela pasin nogut. Reip em i no kalsa bilong yumi long PNG. Kalsa bilong PNG i save lukim man olsem was bilong ol meri na pikinini na yumi mas strongim dispela pasin.

Salim wanpela bikman olsem Mista Yali i go long kalabus i soim olsem i nogat wanpela man i stap antap long lo. Maski yu wanpela lida o bikpela man long komyniti, lo bai

painim yu na sapos yu asua bai em i holim yu. Lo i karamapim olgeta man insait long komyniti.

Yumi ken go het na pait agensim dispela pasin we planti manmeri wok long ripotim we sampela bilong ol lain i stap long ol bikpela posisen i save mekim.

FSVAC i tok amamas tu long ol provinsel han bilong en, Madang Famili na Seksuel Vailens wok grup (FSVWG) husat i helpim meri long putim polis ripot we i lukim ol polis i karim wok painimaut.

Sapos yu laikim sapot bilong mipela long oganaisim o fandim ol samting yu nidim tru long trening bilong yu, rait i kam long : The Program Coordinator, Family & Sexual Violence Action Committee, P.O. Box 1530, Port Moresby or fax i kam long 321 7223 or email i kam long pngfvac@daltron.com.pg

**APDET LONG NESENEL RISOS DAIREKTRI**

FSVAC nau i wok long apdetim 2003 Nesenel dairektri bilong ol i stap. Sapos yu i laik i stap insait long dispela dairektri orait salim nem bilong oge- naisesen bilong yu, adres, telefon namba, husait bai mipela i toktok wantaim na stori liklik long wanem wok oge- naisesen bilong yu i save mekim i kam long Barbara Tomi long feks: 321 7223 or e-mel: communications.cimc@daltron.com.pg.

**FSVAC LAIBRERI**

FSVAC i gat planti ol samting bilong ridim ns mekim ol riset i stap long Institut ov Nesenel afeas (INA) laibreri. Long save moa ringim CIMC long 321 1714.

**POSF**  
Proudly Supporting Action Against Sexual Violence In Our Community

**POSF**  
**RETIREMENT SAVINGS ACCOUNT**

Wanem samting em i Retirement Savings Akaunt o RSA?

Retirement Savings Akaunt o RSA em i wanpela akaunt we ol memba i ken karim ol moni bilong ol taim ol i pinis long wok, olsem wanpela savings na investment akaunt. Dispela akaunt em i gupela hulhas moni bilong yu bai stap gut na i stap longpela taim moa. Na tu ol i no map reisan moni bilong yu olsem taim yu pinis long wok na yu laik reisan olgeta moni bilong yu long wanpela taim tasul.

**Musat ol i ken opim wanpela RSA?**  
Olgeta manmeri husat i memba bilong wanpela supatan na ol i kamap long taim we i ken reitays o pinis long wok olsem 55-pela krismas i 25 yia servis i ken opim wanpela RSA.

- MUAK LAM SAN TUMAS
- SAMS LONG KISIM PEI YET - Bai yu ken kisim potnail pe bilong yu yet!
- MUAK TUMAS LONG INTRES - Muan ol deam!
- MUAK SAM OLGETA KAM MUAK YU - Bilong ol lain nogut!

\*Conditions Apply - Call POSF for details  
MEMBER SERVICES PH: 3210245



# PNG Hani Bisnis i gat strong bilong en

Malum Nalu (SBDC) i raitim

OL HANI Bi o binen we i bin kam insait long Papua Niugini bihain long Wol Woa 2, nau ol i stap insait long bus long planti hap bilong kantri.

Nau ol i strong i stap na namba bilong ol i wok long go bikpela i soim klia olsem wok bilong lukautim na mekim wok bisnis long em i strong moa.

Ol binen i save mekim hani long ol wara ol i save kisim long ol plaua.

Dispela em i eneji kaikai o kaikai bilong ol long kisim strong.

Ol binen i save kolektim tu ol pollen we ol i save yusim olsem abus bilong ol. Na dispela i pulap kapsait insait long PNG.

Ol i ken yusim ol polen trep long maus bilong haus bilong ol binen, bai ol binen i no inap hatwok long go painim long ol plaua. Olgeta dispela polen o gris bilong plaua em ol i ken bungim na salim i go long ol arapela kantri we ol i save kaikaim olsem wanpela helti kaikai.

I bin i gat paitim toktok pinis long yusim dispela olsem wanpela protin o abus kaikai.

Taim ol binen i wok long bungim ol polen o gris bilong ol plaua, ol i wok long mekim wanpela bikpela wok we planti taim yumi no save lukawe long en.

Wok ol i save mekim em long maritim ol plaua.

Bilong ol ples manmeri, wok bilong lukautim ol binen i ken opim

rot bilong ol long groim ol kes krop o gaden kaikai we ol i no inap hat wok long maritim ol plaua ol yet. Na long wankain taim ol i ken larim ol binen i mekim wok bilong ol long maritim ol plaua long ol arapela gaden bilong ol i stap klostu.

## Nambawan wok lukautim ol binen

Long pinis bilong yia 1976, Foren Ministri bilong Nu Silan i bin kisim wanpela askim i kam long Dipatmen bilong Praimari Industri long kirapim wanpela lukautim binen projek aninit long wanpela wokbung halivim skim.

Ol i bin kirapim samting olsem 500 haus bilong ol binen aninit long dispela progrem.

Bihain long en ol i statim wok bilong sanapim ol arapela masin bilong mekim dispela wok na ol i brukim ol bikpela haus bilong binen i go liklik na groim ol gutpela yangpla kin binen.

Taim ol dispela nupela koloni o haus binen i wok long go bikpela ol i stat long was na lukluk bihainim.

Namba wan karim bilong ol binen i no bin gutpela tumas. Dispela i kamap bikos i ren na win i bin kamapim kain kain bagarap long taim bilong ol plaua bilong karim na givim kaikai long ol binen.

Long 1978 gutpela prodaksen i bin kamap na i soim tru tru strong bilong hani prodaksen insait long kantri.

Lukluk strong long wok bisnis



HAILANS HANI: Hailans Hani em i wanpela nambawan eksport bilong Niugini Prut Kampani.

Bikpela hap hani ol i binen i karim insait long ol wel binen h? is na ol i bungim wantaim har. i kisim long Hailans i strongim tingting olsem hani prodaksen o hani bisnis i gat strong bilong em.

Tasol insait long tripela ten kris-mas i go pinis, i nogat bikpela wok kamap insait long hani industri. Insait long 2005, hani bisnis i wok long pulim ai bilong ol manmeri.

Raun bilong Tred na Industri Minista Paul Tiensten i go antap long ol kain kain lukautim binen na hani prosesing projek insait long Goroka, Isten Hailans i bin strongim ol hani bisnis.

Mista Tiensten i bin raun i go antap long Goroka long sindaun long Melanesia Spiahet Grup

kibung.

Raun bilong Mista Tiensten i bin strongim dispela industri we i bin inap strong bilong pulim planti mani i kam insait long kantri.

## Bikipas Asosiesen

Isten Hailans Bikipas Asosiesen (IHBA), wanpela grup bilong ol Isten Hailans manmeri i save lukautim ol bi i bin kirap long stat bilong ol 1980s.

Tude, IHBA i gat samting olsem 320 rejistet memba husat i kisim luksave long strong na save bilong ol long lukautim ol bi.

Ol bai painim mani bilong kirapim bek hani industri, na long ol dispela bikipin fama, ol arapela fama na ol nupela manmeri husat

i laik kirapim wankain bisnis i ken kisim skul na go het long kirapim.

"IHBA hani em ol i tok em i hai kwolati ogenik hani na taim asosiesen i bin kirap, namba wan bikpela wok em long sanapim wanpela strongpela saplai sen wantaim ol fama insait long rijet," Bod Seketeri Steven Rere i tok.

"Namba wan wok bilong IHBA em long askim long apim prais i go antap long K5 long wanpela kilogram na long wok bung wantaim ol fama long kirapim bek ol binen haus bilong ol. Dispela wok i bin ron isi tru, tasol ol fama i bin strong moa long salim planti hani stret long mak bilong K5 long wanpela kilo."

lukim moa long pes 25

## Earn 8.63%\*<sup>p.a.</sup>

3%\*<sup>p.a.</sup> over the Australian 90 day Bank Bill Rate  
Floating Rate Investment

\*Coupon of 3 months BBSW + 3%<sup>p.a.</sup>, assuming BBSW of 5.63%<sup>p.a.</sup> as at 2/1/2006, on an annual basis.

The amount of interest payable may be reduced depending on performance of the portfolio to which the Notes are linked and interest rate fluctuations, as described in the prospectus.

## MAHOGANY NOTES SERIES II

### Key Features:

- Income producing investment
- Interest Income paid quarterly
- Aus \$10,000 minimum investment

Offer closes 10 March 2006

View the prospectus at [www.mahoganycapital.com.au](http://www.mahoganycapital.com.au)

Note Issuer: Mahogany Capital Limited ABN 59 107 882 753  
Principal Stockbroker - PNG: BSP Capital Limited

- The credit rating on Notes is 'Aap N.R.i' from Standard & Poor's. Capital 'AA' rated. Interest is not rated
- ASX POMSoX quoted debt securities<sup>^</sup> #
- 5 year initial term, automatically extendable by consecutive 1 year intervals up to 10 years

Complete details, terms and conditions are provided in the prospectus (registered in PNG on 17/1/06) and will be discussed at:

RETAIL SEMINAR: Thursday 2/2/06, 9:30am to 11:00am at Crowne Plaza - Entry Fee K20

A copy of the registered prospectus can be obtained at the offices of:  
BSP Capital Limited, Level 2, AON House, MacGregor St, Port Moresby or call (675) 321 4333

Call BSP Capital Limited for a prospectus - (675) 321 4333  
Call BSP Capital Limited to reserve a seat at the Retail Seminar

Mahogany  
Capital Limited

^ Application has been made for ASX and POMSoX quotation of debt securities. # Notes will only be issued if the "Aap N.R.i" rating is granted by the issue date. Grange Securities offers to arrange for the issue of Notes on the basis of the Prospectus dated 9 January 2006 and Supplementary Prospectus dated 13 January 2006. This information does not take into account the investment objectives, financial situation and needs of any particular investor. Before making an investment decision investors should read the Prospectus and Supplementary Prospectus and consider whether the investment is appropriate for them in light of their individual objectives, financial situation and needs. Offers of Mahogany Notes will only be made in, or accompanied by, the Prospectus and Supplementary Prospectus and anyone wishing to acquire Notes must complete the application form in the Prospectus. Allotments of the Notes shall be made only on receipt of the application form in the registered prospectus. Mahogany has the right to close the Offer early or extend or withdraw the Offer without notice. The Notes are classified as unsecured notes for the purposes of Section 283BH of the Corporations Act.



# Autim Gutnius

Bustin Anzu i raitim

**DISPELA** sinod bilong **Evanjelikel Lutheran Sios bilong Papua Niugini long stat bilong dispela yia long Wasu Hai Skul** i bin kamap long tupela rot mak - long amamasim '50 yia bilong autim gutnius insait long Papua Niugini na tu amamasim 25 silva jubili bilong sinod. Long dispela sinod tu, ol i givim nambawan bisop narapela 4-pela yia long stap long opis olsem het bisop.

Distrik husat i holim dispela sinod, Ukata (Ulap, Kabwum, Tapen) insait long Morobe Provins, istap klostu long Simbang, Finschhafen, brukim bus Lutheran misineri Johannes Flierl long 1886. Olsem na het opis long Ampo, long Lae i putim dispela sinod mas kamap long Wasu.

## Bikpela samting long histori bilong sios

Ol Lutheran bilip manmeri insait long kantri i bung long selebretim 50 yias long telematim gutnius na save bung long olgeta tupela yias long sinod long tupela ten faiv (25) yia i go pinis - dispela em bikpela samting insait long histori bilong sios. Ol narapela bikman na meri bilong ol patna sios olsem Bavaria long Jemeni, Evangelikal Lutheran Sios bilong Amerika i kamap long dispela dei bilong amamas.

Long sinod, ol i bung na lukluk long wok bilong ivenselisim, wok patna wantaim ol ovasis misin na paitim toktok wantaim ol narapela sios insait long mama sios.

## Olgeta i mas wok bung long autim tok

Long opening bilong sinod, Het Bisop Reveren Dokta Wesley Kigasung i tok olgeta mas i gat spirit long wok wantaim long autim tok na mas i gat gutpela pletpom bilong autim dispela gutnius. Dispela wok bung wantaim i stap 119 krismas i go pinis na ol i ken skruim i go het yet.

"Wok bung wantaim ol narapela patna sios na klostu long boda i bin gutpela tru. Dispela wok poroman long autim gutnius long 119 krismas we 50 krismas long wok misin na insait long 25-pela sinod, mipela i

wok poroman gut. Olsem tasol mipela mas mekim wankain wok long narapela 50 yias gen," em i mekim dispela toktok long Wasu long opening bilong 25th Silva Jubili Sinod.

## Soim klia kala bilong Lutheran sios

Em i tok tu olsem kala bilong Lutheran sios em kala bilong renbo na ol i mas soim dispela kala long ol narapela.

"Kala bilong Lutheran sios em renbo kala na mipela mas soim ol narapela long dispela kala bilong mipela. Olsem na mipela mas sanap strong na bilip long dispela," Kigasung i tok.

## Namba wan sinod

Namba wan sinod i bin kamap long ples Simbang long 1956 na long dispela taim, ol i makim namba wan bisop tu. Em wanpela misineri Pasto bilong Amerika, nem bilong em Reveren Dokta John Kuder.

Long dispela sinod tu sios i oraitim konstitusen o sios oda bilong em yet na kolim dispela sios olsem Evangelikal Lutheran Sios bilong Papua Niugini (ELCP-NG), long dispela taim.

Wok misin i stat nau! Maski traipela maunten, wara i tait, bikpela bus na veli, ol lokol misineri i telematim gutnius i go long olgeta hap insait long kantri - nau long nau yet, tru, wok bilong ol dispela lain i karim kaikai. Ol i no poret na ol i no sem, ol ino wari na ol i no sot win. Bikpela tingting bilong ol em gutnius mas go long olgeta hap. Dispela driman bilong ol em trupela driman, yumi witesim tude.

## Ukata kisim tok orait

Bihain long 50 yias bilong evangelism na insait long 25 sinod, sios kaunsil i makim Ukata distrik mas lukautim sinod 25, klostu tasol long ples misin i kamap, Simbang, insait long Yabim distrik.

Long Simbang, gutnius i go aut long bus bilong Finschhafen, we ol Pindiu, Mindik, Burum, na hapsait lain olsem Kabwum, na ol Tapen na Teptep i bin stap long en. Baksait long maunten Finnistere, ol kamap long ol lain Boana. Evangelism igo long Hailans bilong Papua Niugini



**AMAMAS WANTAIM SINGSING:** Insait long ol haus lotu wanpela Lutheran kwaia i singsing.

Ol lain long Kate i wok misin olsem i go na ol Yabim, i bihainim sait bilong Yabim olsem long Morobe Patrol Pos. dispela em soim mak bilong wok misin nau.

## Moa long 1 milien Kristen bilip manmeri

Nau, i gat moa long wan milien Kristen bilip manmeri bilong sios istap insait long kantri. Taim yu lukluk i go bek, insait long 119 yias, wok misin i kamapim planti senis, insait long sios na long sait bilong developmen bilong kantri tu. Taim namba wan sinod i kamap, i bin gat 163, 000 Kristen manmeri - traipela senis insait long sotpela taim.

Sampela bikman bilong sios wantaim ol gavman membas tu i soim pes bilong ol long dispela sinod. Siaman bilong Lutheran Lig of MPs na memba bilong Not Whagi Mas Karl wantaim namba tu spika bilong palamen na memba bilong Kabwum Bob Dadae i bin stap long taim sinod stat. Tupela i bin witesim opening bilong sinod na pinis bilong sinod wantaim.

Olpela sif Jastis Sir Arnold Amet tu i joinim sinod na kamap siaman insait long sinod tu. Het bisop bilong Gutnius Lutheran Sios Reveren David Piso i kam wantaim narapela tupela namba tu bisop Pasto Nick Ayane na pasto Victory Maso.

Inter Relations Minista na Rijinel memba bilong Madang Sir Peter Barter tu i soim pes insait long dispela bikpela bung bilong ELC/PNG. Em kam wantaim bikpela turis sip bilong em MV Melanesian Discoverer, we i sua long Wasu si bris long lukautim ol bikman meri bilong narapela kantri long dispela

sinod. Long dispela de bilong makim dispela tupela bikpela de, Gavana Jenerel bilong Papua Niu Gini wantaim strongpela Lutheran Songang na Gavana bilong Morobe Luther Wenge na Provinsel Etministreta bilong provins Manasupe Zurenuoc bin joinim ol.

Insait long dispela sinod, Is Simbu i kamap namba 17 distrik bilong em yet. Dispela kempen bilong ol long kisim dispela distrik i stat long namba 23 sinod long Wau, insait long Morobe Provins. Long 24 sinod long Aiyura, ol i givim ol sampela kondisen long ol i mas bihainim. Na namba 25 sinod i oraitim na luksave olsem Is Simbu em distrik bilong em yet.

## Tok promis

Insait long dispela sinod tu, wanpela tok promis o Akod, em ol mekim kamap ples klia long dispela taim. Dispela Akod, ol i kolim long "We Are Standing United" (mipela sanap strong wantaim) o WASU. Dispela tok promis em long lukluk i go insait long hevi bilong sios na kamapim dispela sios em mas i gat transperensi na akauntabiliti.

Long sait bilong mani long ronim wok, we bilong kisim mani, wok misin mas sut long wanem mak na ol narapela stia tok bilong sios tu i stap insait long dispela Akod.

Long WASU, em yet, tok i sut long mak olsem ol i mas wok bung wantaim long mekim wok misin i go na i noken sutim pinga long wanpela narapela. Wok bung wantaim na mekim wok igo moa. Klostu long 120 yias, wok 'miti' (lotu) istap insait long kantri, 50-pela yias miti i kamap



**TUMBUNA PASIN:** Ol yangpela i danis na singsing long pasim sinod.

em yet na insait long 26-pela sinod, ol i bin wokabaut wantaim. Dispela em -histori bilong sios i noken bruk na mas wok bung wantaim, long narapela 50 yias gen.

Sinod i tokaut tu long kamapim wanpela Yunivesti bilong sios yet insait long kantri. Dispela Yunivesti, sapos i kamap tru, bai pulim ol sumatin insait long Asia/Pasifik rijon na dispela bai kamap tru 'renbo kala' Yunivesti. Sinod i pasim tok olsem dispela Yunivesti mas stat long kisim klas neks yia.

Tasol dispela resolusen bilong sinod bai wet tasol long gavman mas tok orait na Edukesen dipatmen mas kamapim ol pepa na stia tok bilong dispela skul. Wok nau bai stap long ol Lutheran lig of MPs long nesinol palamen long pusim dispela igo insait.

## Strongim wok bilong autim Gutnius

Driman plen kolim long 2010 visen, bikpela wok nau mas kamap long strongim wok bilong autim gutnius. Insait long dispela rivi bilong dispela driman plen 2010, ol i senisim na kolim olsem driman plen 2000. Dispela i givim moa wok long ol lidas insait long sios long lukluk long hevi bilong mani na rot bilong sanapim sios strong moa.

Sinod i givim Reveren Kigasung narapela 4-pela yias long mekim wok olsem het bisop. Long dispela taim, narapela tupela man tu, sinod i makim ol long kisim sia. Presiden bilong Hagen distrik Pasto Zau Rapa em sinod i makim namba tu bishop na Isaac Theo, em ol i makim em sios sekretari.

Pasto Rapa i kisim ples bilong Ohuno Mambu, eking namba tu bisop na presiden bilong Goroka distrik na Theo i kisim ples bilong sios sekretari Fua Singin.

Taim het bisop Kigasung i kisim opis long namba tri taim, em i tok wanpela bikpela tingting bilong em, em long wok bung wantaim ol narapela sios i laik bruk insait long mama sios.

Dispela hevi em olsem ol Hagen wantaim Melpa na ol narapela rivaivel grup insait long sios yet.

Sinod i bin kamap long Wasu Hai Skul, insait long Morobe Provins we Ukata distrik i lukautim. Dispela wan wik kibung stat namel long Januari 9-13 wantaim opening bilong sinod long Sande lotu. Long Trinde, em selebren de we ol kain kain singsing tumbuna i kamap na pinisim long Fraide wantaim bikpela lotu bung na kisim komunion.

## Sinod sil go long Hagen distrik

Long dispela taim tu, Ukata i givim sinod sil i go long Hagen distrik, long wanem ol bai kamapim namba 26 sinod long distrik bilong ol long 2008. Long go wantaim sinod, wanpela kau, 6-pela pik, wanpela goat na planti kaikai bilong gaten.

Antap long dispela, wanpela evangelis bilong Tapen igo wantaim ol. Wokabaut bilong dispela evangelis i bilong strongim wok misin olsem ol tumbuna bilong ol i karim igo long Hailans, long Hagen distrik.

Kabwum MP Dadae i tok Hagen distrik em wok misin ples bilong ol na ol ino wari long wanpela samting. Dispela

pasin sori na wanbel mas stap wantaim ol.

"Ol Pasto na evangelis ibin krungutim Hagen taim ol i go wok misin na autim gutnius. Dispela wokabaut bilong ol tumbuna i strongim yumi wantaim. Mipela i pilim olsem yupela ol brata na susa tru tru bilong mipela long sait bilong wok misin. Dispela pasin bilong wanbel na luksave long narapela i mas i stap, long strongim wok i go moa yet," Dadae i tok bihain long pinis bilong sinod.

## Luksave i stap

Olpela jas na wanpela bikpela lidaman Don Sawong, long makim maus bilong ol lain pipel bilong Ukata, em i tok em i amamas long lukim planti man meri na ol Kristen bilong dispela sios i pulmapim tru Wasu stesin. Dispela em namba wan taim kain namba bilong ol manmeri i soim pes long Wasu. Siaman bilong ol man husait i redim dispela sinod Jeffrey Kauta i bin tokim Wantok long dispela taim olsem moa long 250-pela pik, 11-pela kau na planti gaten kaikai ol i redim long dispela sinod.

Ol dispela abus wantaim ol kaikai, em ol i kisim sip, balus na kar long karim ikam long sinod. Sampela bilong ol dispela kaikai, em hat long karim kam long sinod olsem na ol lain asples yet i kaikai na stap malolo long wik bilong sinod.

Sampela kaikai arere long rot na klostu long solowara na ples balus, em ol i karim ikam tasol sampela ples we stap long we, em hat long kisim olsem na ol abus na kaikai istap long ol dispela hap em ol stap yet. Long olgeta dei bilong sinod, Kauta i tok wan wan seket i save kilim wan wan pik long olgeta dei.



# OI PNG songraita laik sanapim kolekting sosaiti



songraita i no klia long en," eksekutiv sameri i tok. "Gavman tu i klia long dispela tasol ol i no strong long tok klia long ol hevi ol kopirait ona i paitim tok long en insait long media."

**Kopirait em i rait bilon wan wan manmeri**

Insait long ol pablik media anaunsmen PNG Intaleksuel Propeti opis (PNGIPO) i tok klia olsem Kopirait em i wampela praivet rait we lo i givim long husat manmeri i kamapim wampela orijinel wok. Dispela wok em i gat lukaut na banis bilong taim namba wan taim ol i rekodim, droim o raitim.

Sapos kopirait bilong wampela i no wok stret o i no kisim luksave, papa bilong dispela kopirait i gat rait long painim rot long kisim pei long en, o kotim ol lain i no luksave long kopirait bilong em.

Ol songraita bilong tude i kisim gutpela luksave bilong olgeta singsing na wok ol i bin kamapim bihain long nambawan de bilong mun Julai 2001 i gat banis aninit long PNG Kopirait na Neibaring Raits Ekt 2000.

PNGIPO i tokaut olsem wampela senis long lo i stap na sapos em i kamap lo tru tru bihain long em i kisim tok orait bilong Nesanel Eksekutiv Kaunsil, em bai opim rot bilong sanapim bilong ol kolektiv menesmen sosaiti.

"Insait long PNG i gat bikpela nid bilong wampela kolekting sosaiti bilong kamap bikos planti long ol papa bilong kopirait i nogat risos na i stap long kain kain hap bilong kantri na dispela i mekim hat moa bilong ol long strongim ol rait bilong ol na kisim gutpela mani bilong wok bilong ol," Ekting Rejistra, David Kil i tok klia.

**Hevi bilong ol songraita i bikpela tumas**

Eksekutiv Sameri pepa i givim tok lukaut olsem sapos i nogat kolektiv menesmen sosaiti insait long PNG, ol songraita bai nogat rot bilong kisim winmani royalti na dispela em wampela bikpela isiu we dispela nupela grup bai wok hat long stretim.

"Ol wok mipela i mekim nau i sut moa long ol songraita, ol lain i save yusim ol singsing, na PNGIPO, na ol risos

grup olsem Australian Mekenikel Kopirait Onas Asosiesen Limitet (AMCOS), Fonografik Kampani bilong Australia (PPCA), na APRA em mipela i tok-tok long ol long halivim PNGCLG long luksave long as tingting bilong olgeta dispela wok mipela i mekim," eksekutiv sameri i tok klia.

Tasol maski grup i save olsem ol bai kisim sapot bilong olgeta PNG songraita, em i save tu olsem ol lain i save yusim ol singsing bai no inap amamas tumas long as tingting bilong PNGCLG long sait bilong bisnis na PNGIPO bai no inap amamas tumas bikos olsem nambawan gavman ejensi bilong ol dispela kain samting, em bai no laik sindaun olsem wampela pasindia tasol bilong PNGCLG.

"Intarim bod i bilip strong olsem AMCOS, PPCA na APRA bai givim sapot long sait bilong ol risoses na save bai klia na strongpela kolektiv menesmen sosaiti i sanap insait long PNG long wanem ol dispela lain em ol Australia lain i gat wankain luksave olsem PNGCLG," Siaman Moi i tok.

**Skulim ol songraita long raits bilong ol**

Intarim Deputi Siaman, Tony Subam i tok dispela nupela grup bai go pas long bungim na skulim ol songraita insait long kantri bai ol i save long rait bilong ol long askim long royalti mani bilong ol. Wankain long ol singsing we ol i rekodim pinis na ol musik atis bilong ol studio tude i wok long singsing.

"Em i bikpela samting tru we ol songraita na musik krieta i mas givim sapot bilong ol, bai ol tu i ken pilim olsem ol i gat mausman husat i ken makim ol bai ol i ken kisim stretpela pe bilong ol na tu wok trening."

Mista Subam i tok olsem ol samting i redi pinis long askim ol rekot lebol na studio long givim bikpela kredit o luksave long ol songraita insait long ol kava bilong ol albam kaset na CD ol i rilisim. Dispela i mas i go olgeta long ol tumbuna singsing we ol musik atis i save kisim long ol tanim i go long musik bilong tude.

"Lo nau i laikim bai olgeta luksave i mas i stap bai wanem kain winmani bilong singsing

bai i mas bihainim stret-pela rot na i go stret long ol papa bilong ol songraita kopirait."

**Baim-na-pilaim polisi**

Eksekutiv Sameri i go moa yet long tok klia olsem long kirapim dispela 'baim na pilaim' polisi, PNGCLG bai bihainim Australasian Pefoming Raits Asosiesen we ol bai laisensim olgeta intanesenel singsing i go long ol brotkas lain i save yusim insait long PNG olsem ol redio stesin, TV na ol arapela pablik lain i save yusim ol musik we i gat banis aninit long ol intanesenel kopirait lo.


"Wampela bikpela wok kamap bilong yusim halivim bilong APRA em bai dispela laisensim sistem i kamap we APRA yet i sanapim na dispela bai opim rot bilong laisensim bilong ol PNG singsing (lokal musik) we wampela kolektiv menesmen sosaiti bilong bihain taim yet bai sanapim."

PNGCLG i tok ol bai kisim tingting bilong ol songraita, em yet o ol independen profesenel tingting bipo em i redi long pait o kirapim tingting bilong PNGIPQ sapos ol tingting long daunim wok bilong ol.

Intarim eksekutiv bilong PNGCLG i makim wampela 4-mun awenes na fanresing progrem wantaim wampela baset inap long K70,000 we ol bikpela ekspens we bai i kamapim wampela awenes kempen insait long media, ol songraitas toktok woksop, kos bilong ol loya na baim bilong opis spes na masin bilong Menesmen Tim bilong grup. Komiti i tok ol i lukluk pinis long wampela ziro balens baset. Nogat profit o winmani na nogat lus.

Komiti bai skelim strong bilong ol bikpela tingting insait long plen taim ol i askim wanem kain ol senis long kempin bai strong moa long ol songraita, yusa, na PNGIPO. Strong bilong wok bai makim strong bilong Komiti long tok klia long ol bikpela as tingting bilong kamapim.

Komiti bai givim ol pablik ripot long ol kaikai bilong ol kempin bilong en. Siaman Moi i tok olgeta dispela plen em ol bai stretim moa yet long PNGCLG miting ol i makim bilong namba 22 de bilong mun Februari, 2006.



Songraita tim bilong JK na Patti 'Potts' Doi

**O**L PAITIM toktok i go kam insait long Glasim Musik long 4-pela mun i go pinis long kirapim wampela musik asosiesen nau i wok long kamap taim wampela grup bilong ol PNG songraita i wok long redim ol yet long sanapim wampela kolekting sosaiti long makim ol na kisim olgeta hap royalti mani we ol rekot lebol na studio insait long PNG i save peim ol. Dispela grup i tingting long yusim K70,000 long mekim wampela 4-mun awenes na fanresing progrem insait long media bilong kamapim dispela.

Mani bai kam long ol kain kain fanresing wok olsem ol konset, ol danis, bikpela kaikai na ol arapela wantaim sapot i kam tu long PNG Intaleksuel Propeti Opis na Wol Intaleksuel Propeti Ogenaisesen na ol arapela kopret sponsasip.

Long wampela miting long Pot Mosbi long namba 25 de bilong mun Januari 2006, wok-ing grup we ol bai yusim nem PNG Kopirait Lobi Grup (PNGCLG) i makim interim Bod bilong ol we Mista Oala

Moi em i Siaman, Tony Subam em i Deputi Siaman na Henry Arifeae em i Sekreteri.

"Bikpela as tingting bilong dispela grup o bodi em long painim ol songraita, halivim ol long klia gut long kopirait na wok bilong ol kolektiv menesmen sosaiti na long bungim ol songraita long makim wampela tas fos bilong sanapim wampela pefoming raits sosaiti," Mista Moi i tok.

PNG Kopirait Lobi Grup nau i wok long stretim ol plen bilong en long givim i go long ol eksekutiv bilong em long kisim tok orait bilong ol bipo em i go long han bilong ol gavman opis, ol songraita, studio na ol arapela memba bilong pablik long givim tingting bilong ol. Bihain long en bai ol i rejistaim wantaim Invesmen Promosen Atoriti.

Mista Moi yet em i wampela songraita husat i bin raitim singsing bilong John Wong na bipo Tarikana, Lister Laka na ol arapela musikman. Mista Subam em i wampela musik komposa husat i bin go pas long karim PNG tumbuna musik i go aut long wol olsem

wampela memba bilong Sanguma Ben long 70s na 80s, na Mista Arifeae em i wampela biknem redio ekta, musik produsa na wampela strongpela musik man husat i bin wok wantaim NBC/Kalang Kaset na olsem eksekutiv sels dairekta planti krismas i go inap em i pasim dua bilong em long namel long 1990s.

"Em i bikpela wok bilong dispela Bod long kamapim rejistresen bilong wampela Kolekting Sosaiti bilong ol songraita bilong yumi," Interim Siaman Oala Moi i tok. "Nau i nogat dispela kain bodi i stap insait long PNG musik na entatenmen indastri na em i no givim luksave long planti entatena na atis husat i mas i gat dispela kain luksave bilong strongim rait bilong ol long kisim mani na luksave."

Mista Moi i tok ol i askim pinis long kisim stia na halivim long Australasian Pefoming Raits Asosiesen, APRA na ol i kisim tok luksave long halivim bilong ol long kirapim dispela kolekting sosaiti bilong PNG.

APRA em i 'kolekting sosaiti' bilong Australia husat i save menesim ol

songraita, rekoding atis na ol pablisa insait long Australia, Nu Silan na long planti arapela hap long wol.

"Ol Australia i redi long halivim mipela long muv i go het wantaim ol plen bilong mipela na nau mipela i redi long ol APRA opis long kam antap long strong bilong ol yet long givim mipela stia na ol arapela tekinkol sapot bilong luksave long sanapim bilong wampela kolekting sosaiti insait long PNG," Moi i tok. "Dispela bai kamap bihain long ol i pinisim ol bikpela wok long intanesenel kopirait we ol i wok long mekim insait long Fiji nau yet."

Miting bilong namba 25 de bilong mun Januari i bin kisim wampela eksekutiv sameri we i stori bilong ol hevi bilong ol PNG songraita, planti long ol i no inap kisim pei bilong ol singsing ol i raitim long wanem i nogat kolektiv menesmen sosaiti.


"Dispela em i wampela bodi husat bai laisensim ol singsing i go long husat i yusim, strongim kopirait o kolektiv na tilim ol songraita royalti. Dispela hevi nau i stap tasol planti long ol

**GLASIM MUSIK em i kamap long Wantok Niuspepa tasol yu ken ritim long tok Inglis insait long The National niuspepa olgeta Mande.**









**Laikim Penpren**

**Nem:** Aith Orou  
**Krismas:** 17 (man)  
**Adres:** C/ Kubaka Family, PO Box 643, Madang  
 Save laikim: Pilai spot, raun long narapela ples, go lotu na harim tok bilong God na raitim pas.

**Nem:** Kiso Felix  
**Krismas:** 28 (man)  
**Adres:** C/- Bihute CS, PO Box 960, Goroka, EHP

Save laikim: Harim stori, spot, go piknik, kaikai rot, harim musik, samapim klos na helpim ol ama

**Nem:** Aitape, Mols  
**Krismas:** 17 (man)  
**Adres:** PO Box 173, Aitape, Sandaun Province  
 Save laikim: Raun Babel, ritim buk, harim nius na musik long radio, go rotu, raitim pas, senisim poto, pilai soka na ragbi na planti moa.

**Nem:** Bankson Tangerang  
**Krismas:** 32 (man)  
**Adres:** PO Box 1972, Boroko, NCD  
 Save laikim: Go lotu, raun long ples, swimming, pilai ragbi, serim ol samting na mitim nupela prens.

**Nem:** Tilo Gini  
**Krismas:** 19 (man)  
**Adres:** PO Box 2076, Boroko, NCD  
 Save laikim: Pilai soka, musik, ritim buk, TV, kaikai buai, tok pilai, waswas long wara na go long lotu.

**Nem:** Nolyn Saurin  
**Krismas:** 24 (meri)  
**Adres:** C/- Dagua Catholic Mission, PO Box 207, Wewak, East Sepik Province  
 Save laikim: Go long lotu, helpim papamama, tok pilai, kukim kaikai, pilai spot na mitim nupela prens.

**Nem:** Nima Tapence  
**Krismas:** 27 (man)  
**Adres:** Ruango Primary School, PO Box 659, Kimbe, West New Britain Province  
 Save laikim: Go lotu, tokpilai, pilai spot na raun long ol provins.

**Nem:** Patrick Essel  
**Krismas:** 20 (man)  
**Adres:** Post Office Box 497, Agona Swedru, Ghana, West Africa  
 Save laikim: Raitim pas, senisim poto na presen na raun lukim ol arapela kantri.

**Nem:** Anita Osrah  
**Krismas:** 25 (meri)  
**Adres:** Great Regional Road, Post Office Box SW346, Agona Swedru, C/R, Ghana, West Africa  
 Save laikim: Raun lukim ples, ritim buk na kukim kaikai.



**STORI TUMBUNA**

**B**IPO, bipo tru wanpela lapun meri i stap wantaim pikinini man bilong em. Long dispela taim ol i no save wok long

gaden, ol i stap i go inap pikinini man bilong lapun meri i maritim wanpela meri long narapela ples.

Ol i stap na tupela manmeri i kamapim 4-pela pikinini. Taim man wantaim meri, pikinini bilong em ol i stap na ol i no save lukautim lapun mama bilong man. Nogat tru. Trangu lapun mama i save slip wan-

taim hangre.

Wanpela taim nau, man ya i go long bus na wokim wanpela haus pisin. Na em i was i stap. Taim em i was long haus pisin i stap long bus, na lapun mama bilong em i klostu tru i laik dai long ples. Taim em i slip long bet, spirit bilong em i kamap olsem wanpela muruk na i go bihainim pikinini bilong em i go long bus. Em i go klostu long haus bilong pisin bilong pikinini bilong em i lukim em. Na man i ting olsem em i muruk tru ya. Na em wantu tasol i sutim dispela muruk. Taim muruk i laik i dai em i kirap na i toktok olsem ol man i save toktok. Em i tok, "Yu kilim mi pinis na noken kaikaim mi. Yu mas katim diwai antap long mi na yu go long ples na yu go stap olsem wanpela o tupela mun i pinis, orait yu kam bek. Taim yu lukim ol samting i gro o kamap antap long ples mi slip, orait yu mas lukautim. Em i kaikai bilong yupela".

Pikinini man ya i harim na em i mekim olsem spirit bilong mama bilong em i bin tokim em. Bihain tupela mun i go pinis, em i kam na lukim nupela samting i gro pinis antap long ples taim spirit bilong mama bilong em i slip long en. Em i lukim na em i lukautim. Bihain man i traum long kaikai na i swit tru. Na ol i lukautim sampela long planim.

Stat long dispela taim yet nau ol i mekim gaden. Na ol i planim dispela yam ol i lukautim i go na i kamap planti tru. Olsem na nau long Nuku mipela i save planim yam.

*Stori i kam long Aitape, Sandaun provins*



**Mi laikim helpim long gat gutpela pren na marit laip**

**Dia Laiplain,**

MI KAMAP olsem nupela man long ai bilong sios. Mi bin kisim Jisas olsem Lod na Sevia na narapela laik bilong mi i long givim laip we i amamasim God na kamap wanem samting em i laikim mi long kamap.

Mi no hariap tru long painim patna na pre, putim bilip bilong mi long God long givim mi patna em i plen long givim mi.

Mi bilip olsem God i bekim prea bilong mi we em i bringim mi klostu long wanpela man husat i go long wan lotu we mi i save go. Em i Kristen tu, na mi pilim narapela kain long dispela. Lewa bilong mi i klostu long em long ol narapela man husat i kam long sios.

Mi gat dispela laik pasin na tingting long lukautim em na mi i save pre long God long dispela, long God soim dispela long dispela brata tu.

Wanpela krismas i pas na dispela brata i askim mi long lukim em na em i tokim mi em i gat spesel piling long mi. Mi tokaut long tingting bilong mi na mi tupela ting em i tingting bilong God tu we mipela i bel isi long dispela prensip. Mipela i go raun wantaim nau na bai mi tupela pasim tok long wanem taim mipela bai marit.

Asua bilong mi em taim mipela stat long go raun, mipela stat long kaikai maus na mi save pilim nogut tru na

save askim God long mari mari bilong em. Mi pret dispela bai kamapim sore bihain mipela i marit.

**TOK TRU**

**Dia Pren,**

MIPELA i amamas olsem yu was tru long wanpela impotent o bikipela disisen long laip bilong yu. Bikipela disisen em yu mekim Jesus olsem Lod na Sevia bilong yu na yu wok hat long amamasim God.


Yu lukim bekim bilong prea bilong yu long we yu bungim boipren bilong yu na we prensip bilong yupela i kamap. Nau yupela i stap wetim marit bilong yu tupela long kamap.

Yu toktok wantaim amamas na bel isi long stat bilong prensip bilong yupela taim yu tupela i stat long luksave gut long wanpela narapela na long piling long yu long slip wantaim. Dispela piling i pat long plen bilong God long olgeta man, tasol pasin bilong soim dispela bikipela laik i stap long banis long was long komitmen long marit.

Baibel i save lukluk long marit namel long man na meri wantaim komyunien wantaim Jesus Krais na Sios bilong em.

Yu tokaut long emosens o ol samting yu pilim taim yu na boipren bilong yu i painim dispela spesel piling yu gat long wanpela narapela.

Misteri mas min kirap nogut



na i no save tru long futsa we olgeta marit man i mas pilim taim ol i mekim komitmen long wanpela narapela long laip-taim patnasip.

Yu laikim futsa bilong yu long gat amamas, yu no laik sore long bagarapim marit. Yu tingting gut long luksave long dispela pilings na mipela i laik ting dispela tingting bai helpim yu long pasim tok long sampela samting long wokim long winim hevi bilong yu.

Wantaim imosen na misteri insait long prensip, i gat pasin long holim bek.

Mipela i ken klostu long pren o klostu long lotu komunio wantaim narapela Kristen tasol i bai gat fainol blok bilong holim bek we i pundaun insait long marit prensip. Long lotu sait, dispela "givim bilong bodi" insait long marit i brukim daun dispela fainel blok long holim bek. Em i "isi long givim olgeta long yu" na fainel tru em i mak long lusim olgeta bilong yu yet long God wantaim bilip.

Mipela tingting sapos asua pilings yu gat i kamap long we yu stat long daunim dispela "blok bilong holim bek" long stat yet long prensip bilong

yupela. Yu na boipren bilong yu i tokaut long tingting na pilings bilong yupela long planti samting na tu long lav bilong yu long God na laik bilong yu long amamasim em. Dispela i gutpela olsem em i helpim yu long save gut long yu tupela yet- long painimaut samting yu laikim na samting yu i no laikim, strong na ol wari samting bilong yupela.


Yu askim long mari mari long God na askim em tu long givim stia long dispela eria long laip bilong yupela. Em i impotent olsem yu na boipren bilong yu wokim samting long helpim yu yet long painimaut wanem samting i plen bilong God na bihainim.

Nogut yu bai painim bel isi long asua pilings yu gat na yu ken luksave long wanpela narapela sapos yu tupela i wanbel wantaim helpim bilong God long stap long we long wokim pasin bilong marit i go inap taim yu marit.

Sapos yu ken lainim pasin bilong kontrolim yu yet long wokabaut long yu wantaim God, yu bai kirap nogut long amamas na bel isi yu bai pilim long de long marit. Lusim bodi bilong yu long wanpela narapela olsem wanpela amamas, nupela presen. God i ken givim yu stia taim yu komitmen wei bilong yu long Em na Em i ken givim yu strong long bihainim na amamasim Em long dispela hap na narapela hap long laip bilong yu.

**LAIPLAIN**





**Bisnis bilong Groim Diwai insait long PNG - Planim diwai long ol renfores eria**

Rot bilong groim ol spisis diwai i save groa insait long PNG

*Pangium edule (seis, pangi)*

Nem bilong en: SEIS, PANGI

**Ples diwai i kam long en:**

Insait long PNG, seis i save gro insait long ol fores o bik bus i go inap 1000 mita. Em i wanpela diwai we o nogat bikpela nem insait long kantri, olsem na i nogat planti i gro insait long kantri.

**Wanem kain diwai:**

Seis em i wanpela namel sais diwai we longpela bilong em i save go inap namel long 20 na 40 mita na namel bikpela bilong namel bun bilong em i 75 sentimita. Bikpela bilong skin diwai bilong en i namel long 1.3 na 2 sentimita. Ausait bilong skin diwai em i grin na i gat liklik braun long en. Namba tu skin bilong em i yelo na insait skin diwai bilong em i yelo wantaim ol liklik orens ston sel na i strong tru. Ol lip bilong em i bikpela. Prut bilong em i longpela liklik, na skin bilong em i rap na i braun. Sit bilong em i stap insait long wanpela yelo mit i malumalu na i gat strongpela smel bilong em.

**Rot bilong yusim:**

Seis i save kamapim wanpela prut i gat poisin, tasol yu ken kaikai sapos yu rausim olgeta blut bilong em. Ol i save givim prut bilong em long ol bikpela kaikai. Sit bilong em i karim wanpela kain esit ol i kolim prusik esit. Yu mas rausim dispela esit o wara nogut pastaim. Lusim ol prut insait long wara i ron inap long 24 o 48 awa bipo long yu kaikai. Insait long PNG, ol i save yusim yangpela lip bilong dispela diwai long pasim ol bikpela sua. Strongpela sel bilong ol yu ken pasim wantaim na yusim olsem wanpela masin bilong mekim musik.

**Flaua, ol prut na sid:**


Dwai i save flaua stat long Septemba i go inap Oktoba na sit i save lusim skin bilong em namel long Desemba na Januari. Prut i gat



Lip bilong Seis diwai.



Bikpela bilong prut bilong en.



Sit bilong seis i stap insait.

santing olsem 20 bikpela ret braun sit. Ol pik na rat bilong diwai i save kaikaim sit. Ol diwai i save stat long karim ol sit taim ol i bungim namba 15 krismas.

**Sit koleksen na prosesing:**

Yu ken kisim ol sit long graun na putim insait long ol kontena inap wanem taim ol i redi long wok prosesing. Yu ken rausim mit bilong em wantaim han. Sit em ol i wasim long wara na bihain lusim em long drai bipo long ol i putim insait long stores.

**McCARTHY & ASSOCIATES (FORESTRY) PTY. LTD.**  
National & International Forest Consultants  
mccaf@datec.net.pg

"Long kisim tok stua long olgeta wok diwai"

# Skul long hani bisnis

James Kila i raitim

**TUPELA volantia bilong Kanada Yunivesiti Sevises Ovasis (CUSO) i bin go long Isten Hailans provins na givim skul long strongim wok bilong Hani industri.**

Dispela tupela volantia em Peter hardie na Katleen Cooper. Tupela i bin wok wantaim Isten Hailans Bi Opisa, Tela Loie long lukluk na skelim na tu bringim kamaut ol hevi na kamapim gutpela wok bilong mekim hani insait long Isten Hailans provins.

Dispela ol hevi bilong bi-kiping o

lukautim ol bi em gutpela save long lukautim ol haus bilong ol binatang bi, ol kwin bi, rot bilong kisim ol hani, we bilong prosesim na maketim hani, rot bilong wokim gut ol haus bilong ol binen o bi na kamapim ol gutpela wok bilong prodaksen.

Bihain long dispela wok painim aut bilong dispela tupela CUSO volantia em Hardy na Cooper wantaim helpim bilong Tela, ol i bin putim wanpela proposol i go long SSCF long givim ol helpim.

Na tupela proposol bilong ol i bin kisim gutpela tok orait long trenim ol trena long

binen, kamapim gutpela save long kamapim ol kwin bi na kamapim gutpela skul long havestim, prosesim na maketim ol gutpela kwaliti hani we i gat gutpela stendet.

Ol lain SSCF i tok olsem narapela kos ol dispela lain bai ronim em long ol i wokim ol haus bilong binen na kamapim ol wax o malu malu santing i save kamap bihain long bi i kamap.

Dispela progrem bai i go long olgeta eria insait long Isten Hailans provins we ol liklik fama i lukautim binen.

Husait i laik stap

insait long dispela ol kos o skul i mas i gat save long wok wantaim hani bi pastaim na wanem santing moa ol i laik lainim moa long skul.

I no long taim i go pinis dispela tupela lain volantia bilong CUSO i bin go long Sihereni Kopi Projek long apa-Asaro na i givim skul long moa long 15-pela fama.

Planti ol lain long hap i amamas tru ol dispela kain skul ol i kisim na i tok amamas i go long dispela tupela CUSO volantia long bringim save bilong ol i kam long ol liklik manmeri long ples na hauslain.

## PNG hani bisnis i gat strong bilong em

i kam long pes 18

**Lukluk long PNG maket**

■ Ol fama i save salim hani i go long ol hani prosesia kampani long Goroka, olsem Niugini Prut Kampani na PNG Ogenik Fam Prodaks long K5 long wan wan kilogram.

Mista Rere i tok projek bai lukluk long PNG maket.

■ Maket bilong hani insait long PNG yet i bikpela na winim ol arapela maket insait long Pasifik we olgeta sels bilong ol long wan wan yia em i 60 tan," em i tok.

■ Ol konsuma insait long Papua Niugini i save baim hani bihainim prais bilong em na prais bilong hani i kam long ol arapela kantri i antap tru inap long K14 bilong wanpela 500 grem botol.

"Olgeta wok maketing i stap long han bilong ol hani baia o prosesia na IHBA nau i nogat wok long sait bilong prosesing na wok maketing."

**Resis wantaim ol bikpela ovasis hani bisnis**

Ol bikpela wan bisnis bilong resis wantaim PNG em ol ovasis saplaia. Planti long ol i stap long

Australia.

Ol namba wan bikpela nem bilong hani bisnis em Capilano (K14.70 bilong 500 grem na K9.70 bilong 375 grem), na Black & Gold (K16.90 bilong 750 grem).

■ Ol wan bisnis i save kisim taim long baim bikpela mani long karim hani bilong ol i kam long PNG. Dispela em ol bikpela impot duti takis," Mista Rere i tok. "Long dispela as tasol na ol stua prais bilong ol i antap moa long IHBA hani na, wantaim strongpela maketing plen, em bai no inap hat tumas long kisim bikpela hap bilong ol maket sea bilong ol. Ol PNG kastoma bilong hani em ol kain kain riteil stua, ol boding skul, yunivesiti, koles, haus sik, haus kalabus, ol haus bret, hotel, haus kaikai na wan wan long ol komesel kampani i save yusim hani.

■ Ol riteila insait long PNG em ol i wankain olsem ol riteila insait long ol arapela kantri - ol i mas i gat inap saplai bilong ol gutpela kwolati prodak wantaim ol gutpela prais.

■ Em i nambawan hani we prais bilong em i daun moa na i winim olgeta arapela hani insait

long stua. IHBA bai salim ol ro hani o hani ol i no prosesim yet i go long ol prosesia long Goroka."

IHBA i gat sampela gutpela santing we ol i gat pinis olsem:

■ Strongpela wokbung wantaim ol hani produsa;

■ Strongpela saplai bilong ol gutpela kwolati hani bihainim wanpela gutpela ekstensen sevis;

■ Gutpela prais we i no dia bilong hani i kam long ol fama;

■ Gutpela klaimet o taim bilong kamapim hani insait long Hailans rijen;

■ Gutpela gris bilong plaua we i kamap long gris bilong graun stret;

■ Rot na balus i go long ol bikpela rijinel maket insait long PNG;

■ Ol kos bilong leba o wok i daun tru inap long K30 long wan wan wik;

■ Strongpela ples bilong baim hani insait long Goroka; na


■ Strongpela save bilong bi faming o lukautim ol binen na hani prodaksen.

Wantaim gutpela, strongpela sapot, hani industri bilong PNG i ken kamap wanpela naispela, switpela stori.

# Cat® 120H

## Motor Grader

blends productivity and durability to give you the best return on investment.



**Matched and Balanced Components**

The Cat® 3126B DITA ATAAC is designed to handle the tough loads. Variable Horsepower matches torque curves to the gear to maximize response, power and efficiency. Dual air system and multi-disc oil brakes assure reliable braking control.

**Operator's Station**

Low effort blade controls, electronic throttle control, EMS III monitoring system, and improved ventilation provide world-class operator control and comfort. Excellent visibility to the front and rear increase operator confidence and productivity.

**Servicability**

Caterpillar® re-engineered inspection and service points, grouping them into a convenient ground level 'service center'. Ground level fueling and extended engine and hydraulic oil change intervals help minimise downtime.

Hastings Deering



Product People Commitment.

We deliver.

**PORT MORESBY**

Spring Garden Road, Hohola, PNG  
Ph (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LHIR	986 4105	986 4107
KIMBE	983 5144	983 5144





## INDIPENDEN STET BILONG PAPUA NIUGINI

# PABLIK NOTIS

Act.Sec.55 (2) (a)

*Environment Act 2000*

### PABLIK RIVIU NA OL SABMISIN LONG WANPELA ENVAIRONMEN IMPEK STETMEN

*Bihainim Seksen 55 bilong Environment Ekt 2000, wanpela aplikesen bilong wanpela "Approval In Principal" o Tok Orait long Maus tasol i kamap long putim aut o etvataisim olsem em i op nau bilong glasim bilong pablik.*

## PNG GES PROJEK

Esso Highlands Limited (Esso) i givim wanpela Envaironmen Impek Stetment (EIS) o tok klia long hevi long bus graun PNG Ges Projek bai kamapim i go long Dipatmen bilong Envaironmen na Konsavesen long namba 15 de bilong mun Desemba 2005. Esso, olsem Opereta na ol wan bisnis bilong ol i wok long go het wantaim wanpela proposel o askim bilong developim o lukautim PNG Ges Projek. Dispela wok developmen i karamapim ges prodaksen o kamapim ges na ol wok prosesing insait long ol maunten bilong Sauten Hailans Provins, ol paip i go olsem long ol prosesing ples long Kutubu na wanpela sels ges paip lain i ron bihainim ol liklik maunten na ples daun bilong Galp provins long sait bilong Wara Kikori i go long Omati Riva Delta. Long pinis bilong sua o graun, dispela paip lain i ron i go aninit long solwara long Galp bilong Papua i go long intanesenel boda bilong PNG na Australia klostu long Pearce Cay long Torres Strait.

Dairekta bilong Envaironmen i kisim pinis wanpela aplikesen bilong dispela projek. Envaironmental Impek Stetmen nau i stap bilong olgeta pati bilong lukim inap long tripela ten (30) de stat long 16/01/06 i go inap 24/02/06.

Ol aplikesen em pablik i ken go lukim long ol dispela ples:-

1. Esso Highlands Limited Rejistet Opis long Level 5, Credit House, Cuthbertson Street, Down Town, Port Moresby, National Capital District o websait: [www.exxonmobil.com.au](http://www.exxonmobil.com.au)
2. Opis bilong Etministreta, Sauten Hailans Provinsel Etministresen, Mendi - Sauten Hailans Provins o
3. Opis bilon Etministreta, Galp Provinsel Etministresen, Kerema - Galp Provins o
4. Dipatmen bilong Envaironmen na Konsavesen  
6th Floor, Somare Foundation House,  
Corner of John Guise Drive & Independence Drive,  
WAIGANI, Nesenel Kapitel Distrik.

Pablik na ol arapela lain i ken salim ol sabmisin ol i raitim long dispela aplikesen. Taim bilong kisim ol sabmisin bai pas long 4 kilok apinun long namba 24 de bilong mun Februari 2006. Wanem gutpela tingting o toktok em ol bai kisim na skelim taim ol i glasim Envaironmen Impek Stetmen na rekomendesen i go long Envaironmen Kaunsil.

**Olgeta sabmisin em ol i mas i go stret long:**

**The Director of Environment,  
Department of Environment & Conservation,  
P. O. Box 6601  
BOROKO  
National Capital District**





# TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM

Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

## PACIFIC BEAT

# Tok promis bilong gavana Hannett

**BOGENVIL:** Nupela Palamen memba i promis long strongim wok bilong pis o painim gutpela sindaun.

Nupela rijinel memba bilong Bogenvil long nesanel Palamen i promis long wok wantaim ol arapela Bogenvil lida long sapatim na strongim wok long gutpela sindaun long ailan.

Nesanel Alaiens Pati Presiden Joseph Leo Hannett, pastaim Bogenvil Primia i bin wokim sotpela toktok bihain long ol i bin tokaut olsem em i winim bai ileksen.

Pastaim rijinel memba John Momis i bin lusim sit long resis long Otonomes Bogenvil Gavman ileksen long Jun las yia Wok bilong Mista Hannett i bilong makim maus bilong Bogenvil long nesanel level na lusim ol narapela wok bilong ranim Bogenvil long Bogenvil Otonomes Gavman.

Nupela lida i tok em i amamas long wok wantaim ABG na ol lida olsem Joseph Kabui na em i gat bikpela tingting long yunaitim ol pipel bilong Bogenvil na PNG olsem ol pipel bilong dispela kantri.

Man i toktok: **Caroline Tiriman**

Man i bekim: **Leo Hannett, Rijinel memba bilong Bogenvil**

**HANNETT:** Long nau, olgeta infra-staksa olsem ol rot, bris na ol bikpela bilding yumi gat o yumi traim long kisim em ol i wokim long ol yia long 1980's. na planti i bagarap pinis. Na sapos yumi ken kisim ol rot, ol bikpela trunk rot we ol i developim na sapos yumi ken kisim bek gutpela komyunikesen na ol skul i wok gut, wantaim tu ol arapela sosel sevis ating bai dispela inap na bai mipela i ken go het long dispela poin.

Tingting bilong mi em long wok bihainim ol developmen progrem nesanel gavman i laik



**Leo Hannett nupela gavana bilong Bogenvil.**

lukim i go het na long wankain taim tu, mekim ol pipel long Bogenvil i pilim fri long lukim ol yet olsem ol i hap bilong PNG na i no olsem ples we bai save kisim spesel tritmen.

**TIRIMAN:** Long sait bilong edukesen, nupela skul yia i stat tasol long planti sumatin. Situesen i sut long ol yangpela pipel long bikailan Bogenvil i olsem wanem?

**HANNETT:** OL ripot i soim yumi olsem long 1981-85, taim mi bin stap primia bilong Bogenvil, mipela i wok long kam namba tri bihain long mekim gut long ol akademik sabjek, skelim wantaim Manus, is Nu Briten na

Sentrel provins.

Nau mipela i stap las tasol mi no ting olsem dispela i makim mak bilong save bilong ol pipel long Bogenvil. Mipela i mas agretim ol skul, strongim moa sumatin long go long ol hai skul na ol arapela institusen. Na mipela i mas soim stap bilong mipela long kantri.

**TIRIMAN:** Yu no nupela man long stap long politiks. Yu bin stap long hap pastaim. Bai yu kisim wanem nupela samting i go long nesanel Palamen?

**HANNETT:** Mi laik lukim liklik kontribusen long nesanel Palamen na dispela em long lukim olsem ol Palamen memba i stap gut na wok bung namel long ol i go het.

Mi yet i laik wok klostu wantaim Prais Minista na olsem siaman na presiden bilong Nesanel Alaiens na mi ting objective o bikpela samting we pati i lukluk long en em long promotim gutpela gavanens.

Na mi ting olsem insait long ol yia we Nesanel Alaiens i stap long pawa, ating mipela i kamapim gutpela nem long ikonomi bilong PNG na ausait tu.

Ol i lukim yumi olsem nau, ples we i promotim o apim gutpela sindaun na mi ting PNG bai kisim sampela gutpela samting long yumi taim em i go hetim wok olsem tasol na i no pilai politiks tumas.

Bai mipela i mas mekim han i deti na bringim developmen na lukim olsem ol pipel bilong yumi i kisim ples bilong ol long komyuniti bilong ol Pasifik nesen na long intenesenel level.

## PNG laikim senis long komon visa polisi namel long ol Melanesia kantri

PAPUA Niugini i laikim bai ol i mas mekim senis long agrimen long "common visa policy" namel long ol memba kantri bilong Melanesian Spearhaed Group.

Foreign Minista bilong Papua Niugini, Sir Rabbie Namaliu i tok sampela sitisen bilong ol MSG kantri i wok long mekim nating o abusim dispela agrimen bilong haivim ol yet olsem long brukim lo bilong narapela memba kantri long ol kain wok ol i laik mekim.

Dispela MSG Trade agrimen i larim ol bisnis lain, tu ol gavman opisa long noken askim long fomel apruvel o tok orait long visa bilong narapela memba kantri pastaim long ol i go insait na mekim wok.

Em i tok dispela i bin kamap long Solomons we ol polis na imigresen opisa i bin holim kalabus 12-pela Fiji soldia, em ol i tok i bin wok long traim long go long Otonomes Rijen bilong Bogenvil long wik i go pinis na dispela i bin kamap long wanem visa polisi i op tumas na i mas i gat senis i kamap long en.

"Sampela pipel i redi long abrusim ol dispela lo na mipela no inap long larim ol i mekim olsem. Olsem na mi toksave long ol opisel bilong mipela long paitim toktok long en wantaim ol Melanesia Spjshet Grup wanwok bilong mipela bai ol dispela wok i no abrus.

## RADIO TOK PISIN PROGRAM

TUNE IN: 101.9 FM

Radio Australia Tok Pisin Program - stat long mun Mas 2005

<b>MANDE Moring</b>	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	
7PM	Stesen Op
7.01PM	Ol Hettain na Progrem Privu
7.15PM	Spots
7.30PM	Nius na Karent Afes
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
<b>TUNDE Moring</b>	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	
7PM	Stesen Op
7.01PM	Ol Hettain na Progrem Privu
7.15PM	Musik na Chit-Chat
7.30PM	Nius na Karent Afes
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
<b>TRINDE Moring</b>	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	
7PM	Stesen Op
7.01PM	Ol Hettain na Progrem Privu
7.15PM	Musik na Chit-Chat
7.30PM	Nius na Karent Afes
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
<b>FONDE Moring</b>	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	
7PM	Stesen Op
7.01PM	Ol Hettain na Progrem Privu
7.15PM	Musik na Chit-Chat
7.30PM	Nius na Karent Afes
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
<b>FRAIDE Moring</b>	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
<b>Nait</b>	
7PM	Stesen Op
7.01PM	Ol Hettain na Progrem Privu
7.15PM	Musik na Chit-Chat
7.30PM	Nius na Karent Afes
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
<b>SARERE</b>	
<b>Nait</b>	
7PM	Stesen op - Ol Nius Hettain/Progrem Privu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
<b>SANDE</b>	
<b>Nait</b>	
7PM	Stesen op - Ol Nius Hettain/Progrem Privu
7.05PM	Musik na Chit Chat
7.30PM	Nius
7.40PM	Femili Blong Serah (Redio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

**TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.**

## Fiji Mulsim komuniti tu i belhat long cartoon

Long Fiji, Muslim komuniti i belhat tu bihaen long wanpela local niuspepa i bin putim tu ol despela cartoon i soim profet Mohammad olsem terrorist man long niuspepa.

Despela drawing blong profet Mohammad olsem em i wanpela terrorist, i bin kamap pastaem long niuspepa long Denmark, tasol nau ol narapela niuspepa long hap blong Europe na tu raon long wol i wok long karim.

Fiji Muslim League President, Afzal Khan itok decsion em Fiji Daily-Post Niuspepa i bin mekim long putim tu ol despela caroon long publiucation blongen, i rong na ino soim respect, tasol em i tok bilong kros na kamapim trabal oa pait bai i noken stopim rausim bikpela rong em i bin kamap pastaem.

"Mipela i no bilip long pait. Ol Muslim i noken go insait long ol pasin pait bilong wanem lotu bilong ol i sanap makim pis o bel isi na i save lukluk gut long ol arapela lotu tu. Em i sanap long humanity o laik pasin bilong olgeta manmeri.

# Pacific BEAT

Listen to Radio Australia  
101.9FM Port Moresby

4, 5, 6am & 4pm, 5pm  
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



<p><b>RAGBI LIG</b> <b>HOHOLA OV SISEN RAGBI</b> Sarere 11/02/06 B Gret 8:30 SI Sea Eagles v LB 9:15 Dorido Panthers v Hoks Magpies 10:00 Raiders Namona v Borderline Sharks 10:45 Kama Cowboys v JV Bulldogs 11:30 BP Knights v Mutrus Brothers A Gret 12:20 SI Sea Eagles v LB United 1:15 Doribo Panthers v Hoks Magpies 2:10 Raiders Namona v Borderline Sharks</p>	<p>3:05 Kama Cowboys v JV Bulldogs 4:00 BP Knights v Mutrus Brothers Sande 12/02/06 B Gret 8:30 Figgy Dumpers v Freeway Rabbitohs 9:15 Toks Warriors v Toks Valley Eels 10:00 29 Dogs v Borderline Tigers 10:45 Toks Mix Dogs v Taraga Dragons 11:30 MB Reds v Osi Osi Panthers A Gret 12:20 Figgy Dumpers v Freeway Rabbitohs 1:15 Toks Warriors v Toks Valley Eels</p>	<p>2:10 29 Dogs v Borderline Tigers 3:05 Toks Mix Dogs v Taraga Dragons 4:00 MB Reds v Osi Osi Panthers</p> <p><b>NETBOL PRAIVET KAMPANI NETBOL</b> Rita Flynn Kot Sande 12/02/06 Primia divisen Kot 2 1:00 Brian Bell v Kenmore 1:45 Courts v BSP 2:30 Daltron v Kina Securities 3:15 Fairdeal v PPrint Divisen 1 Kot 3 1:00 Pryde v Theodist 1:45 Datec 1 v NTIL</p>	<p>2:30 OSL v HDPNG 3:15 STC Fin v SPB 1 Divisen 2 Kot 4 1:00 QBE v POMTrans 1:45 Datec 2 v GFI 2:30 CCA v AHC 3:15 ANZ bye Divisen 3 Kot 5 1:00 PWC v LBC 1:45 C-Bros v National 2:30 Brian Bell v B-Bros 1 3:15 WPC Askonce v Kumul Hotels Divisen 4 Kot 6 1:00 Moore v BSP 2 1:45 Andersons v Meddent 2:30 PNGSF v STC SHIPP</p>	<p>Divisen 5 Kot 7 1:00 C-21 v POSF 1:45 RENOS v Fincorp 2:30 Able Comp v BKO Motors 3:15 PAC. JND v Mirupasi Divisen 6 Kot 8 1:00 Paraka v Air Niugini 1:45 Raywhite v Ela Motors 2:30 Johnstons v STC HDW 3:15 RH H-Mart bai Divisen 7 Kot 9 1:00 Arnotts 1 v City Pharmacy 1:45 Cul. Delight v P Print 2</p>	<p>2:30 Pro-Clean v Star-Fish 3:15 DHL v APNG Divisen 8 Kot 10 1:00 Kassman v Nasfund 1:45 STC Hotels v Copytek 2:30 B-Bros bai Divisen 9 Kot 11 1:00 IPA v MRDC 1:45 Kenmore v Temis 2:30 Deloitte v Veupunama 1 3:15 Global bai Divisen 10 1:00 Sinton v Arnotts 2 1:45 EFM 2:30 Veupunama 2 2:30 PDE v 1 LTD bai</p>
---	--	--	---	---	---



**KISIM WAS:** Banis bilong PNG boksa Chavis Kora i strong tumas na i pasim han bilong Ramson Gobse bilong West Papua, Indonesia long pait bilong ol long Pot Mosbi las Sarere nait.



**SANAP GUT:** Vagi Nou bilong Mobil Steamships i sanap krangki na klostu i pundaun taim em i laik paitim bal egensim BNG Poreporena long Pot Mosbi kriket gren fainol las Sarere.



**SAPOT:** Ol woklain long embasi bilong Indonesia long Pot Mosbi i kamap long givim sapot bilong ol i go long boksing tim bilong ol long Crown Plaza hotel, Pot Mosbi las Sarere nait.



**I NO HEVI:** Water Bod got atek Samoa Ila i no laik bal i pundaun na i holim long tupela han wantaim egensim NBC. NBC i win 27-13.

Ol Foto: ANDREW MOLENNI



# Bulls i wol sempion



HUREI: Birkela Lesley Vanikolo (lep han) wantaim ol wan pilaia i amamas long soim win bilong ol egensim West Tigers 30-10 long wol klab salens las Sarere.

**INGLAN:** Bradford Bulls i skruim yet rekot bilong Ingran sempion long winim West Tigers long 2006 Carnegie Wol klab salens.

Gret Britan (Ingran) fowet Stuart Fielden i sempion bilong ol Bull taim em i skoaim tupela trai long dispela pilai, wanpela wanpela long tupela hap bilong pilai.

Dispela win i mekim ol 19,207 sapota i amamas nogut tru long Huddersfield Galpharm Stedum.

Dispela em i bikpela win bilong wanpela Ingran tim we i winim dispela ol salens long las 9-pela yia. Long taim kain salens i stat long 1987 Ingran i winim 12-pela long ol dispela salens.

Na long West Tigers husat i bin nogat nem bilong ol long stat bilong 2005 NRL sisen kirap nogut i kamap premia bilong sisen tasol taim ol i bungim Bradford Bulls long las Fraide avinun (Sarere moning PNG taim) i no mekim gut olsem ol manmeri i bin ting ol bai mekim long em.

Ol i lusim pawa bilong ol long han bilong ol Bulls.

Fielden husat Ingran i makim em olsem i namba wan prop long wol i soim dispela mak bilong em las Sande taim em i brukim banis bilong ol Tigers na skoaim tupela trai.

Em i go yet long kamap "man-ov-da-mets," - man bilong dispela pilai.


Bihainim em em PNG biknem ragbi lig man Marcus husat nau long histri bilong ol pilaia husat i winim salens i putim narapela tupela trai, wanpela wanpela long tupela hap.

Bai nau i gat namba wan man long winim tripela wol klab salens long tripela narapela klab we long namba wan em long 2000 wantaim Melbon Storm, 2005 wantaim Leeds Rhinos na nau wantaim ol Bulls.

Narapela trai bilong ol Bulls i kam long PNG wantok yet em Stanley Gene.

Kepten Iestyn Harris i kikim ol gol long putim ol narapela poin bilong Bulls long skoa bod.

## Woods winim Dubai pilai



YAH: Laki bilong Tiger Woods

**DUBAI:** Yunait Arab Emairats: Wol namba wan golf pilaia Tigers Woods i soim strong bilong em gen taim em i winim Dubai Deset Klasik Open long las wiken.

Tigers i winim dispela pilai egensim las wina bilong Dubai open Ernie Els long Sande we em i go anda 19.

Dispela em i namba tu bikpela win bilong em long 2006 bihain long em i winim narapela tonamen long Amerika.

Long plei ov hul long 18 anda Woods i kamap long grin long tu. Na Els long dispela taim i paitim krangki bai we namba wan taim bal i go daun namba long ol pam na bihain i insait long tais wara.

"I gutpela long mi laki," Woods i tok. "Long nau em i kamap gut tru long wanem mi pilim strong bilong mi long win i pinis tasol em i laki tru."

# Chelsea hamarim Liverpool 2-0

**INGLAN:** Chelsea i skruim yet ol win bilong em long Ingran prima lig taim em i hamarim Liverpool 2-0 long las Sande.

Dispela i mekim ol i gat pas yet wantaim 66 poin we bihainim ol em Manchester United long namba tu ples wantaim 51 na Liverpool i stap yet long namba tri wantaim 45 poin.

Liverpool long las 10 minit bilong pilai i pilai wantaim 10-pela man tasol bihain long golkipa Jose Reina em referi i tokim em long go aut bihain long em i pilai krangki egensim narapela pilaia.

Ol gol bilong Chelsea i kam long William Gallas na Herman Crespo long tupela hap bilong pilai wantaim .

"Dispel aem kain mak we mipela i think i mekim mipela i sempion na nau bai mekim mipela i luk klostu moa long kamap sempion gen," Chelsea mensea Jose Mourinho i tok. "Ron nogut bilong mipela i stap yet olsem gutpela ron bilong mipela. Tasol dispela em pilai we ol pilaia i laikim tru long win long em."



HEY! William Gallas bilong Chelsea i kalap i go antap long gol pos bilong ol Liverpool bihain long em i skoa egensim Liverpool.

"Mipela i no inap luksdaun long ol. Nogat. Ol bai stap yet long han bilong mipela na sapos mipela i skruim yet dispela kain win bilong mipela i nogat wanpela samting ol bai mekim long holim mipela," kepten John Terry i tok.

Long pilai yet Liverpool i go pas gut tru long pilai tasol dispela spirit i go daun long namel bilong pilai i slek liklik we dispela i givim sans long ol Chelsea long sutim wanpela gol long namba wan hap na bihain i sutim narapela long namba tu hap.

## Hingis lus long Pan Pasifik fainol



YAH: Swiden tenis sempion Martina Hingis husat i go daun long wol namba 8 sempion Elena Dementieva long Pan Pasifik tonamen long Japan las wik i toktok wantaim ol ripota.

**JAPAN:** Martina Hingis i pilim wanem samting em i pawa long maus bilong em taim em i painim hat long bungim strong bilong Elena Dementieva long gren fainol bilong Pan Pasifik open pilai long Japan las wik we em i go daun 6-2, 6-0.

Hingis husat i rausim tiket bilong namba foa meri long wol Maria Sharapova long semi fainol i ting em i inap long go moa long win tasol strong i pinis long hap rot.

"Mi no inap long givim ol eskus," Hingis i tok. "Em i gutpela tru long dispela de. Mi gat gutpela stat na olsem mi no inap wari tumas," Hingis i tok bihain long em i no bin pilai tenis long klostu tripela yia olgeta long hevi long ol sua long skin bilong em.

Long tupela wik i go em i mekim namba wan kam bilong em long Melbon Open, Australia.

Dispela em i namba wan taim bilong em bihain long tripela yia we em i no bin pilai long em tasol namba wan bikpela pilai bilong em i lukim em i mekim gut long go insait long kwata fainol.

Tasol las wik em i mekim gut moa inap em i kamap long gren fainol na lus long Dementieva.

Dementieva i winim namba wan Tier 1 WTA singel taitol na namba faiv taitol.

Em i kamap rana ap long ol fainol bilong Roland Garros na U.S. Open long 2004.

"Mi amamas long kamapim gutpela pilai inap mi kamap long fainol," Dementieva i tok. "Mi pilai strong tede na mi hop dispela bai givim mi strong long go long dispela sisen."

"Mi laikim long sutim em (Hingis) wantaim ol gutpela bal na mi amamas olsem mi bin mekim," Dementieva i tok taim Hingis i painim hat long pilai.



# SPOT RAUN



wantaim

## SCOTT VAVINE

"SP Spot awot"- em save helpim ol grasrut?

### SP SPORTS AWAR 2005



LONG 14-pela yia we PNG Spot Federesen wantaim SP Holding i wok long ronim dispela SP Spot awot long givim luksave ol spotmanmeri na etministreta long ol pilai na wok ol i kamapim long pilai na developim pilai.

Na tru tumas planti manmeri i kisim helpim long dispela skim.

Dispeia yia bai wankain long ol yia i go pinis we ol manmeri bai mekim nominesen bilong ol na salim i go long opis long ol i makim.

Long sampela lukluk SP Holding maketing menesa Albert Veratau i sensim tang long dispela taim- em i tok long dispela skim i mas helpim ol grasrut.

Em i go moa long givim as tingting long dispela tingting em i gat long em. Em i tok planti ol grasrut husat sapos ol i no lukluk gut bai abrusim gen kain luksave em SP Spot awot i mekim ol nominesen bilong em na givim luksave long ol.

Em i tok planti bilong dispela ol grasrut maski ol nogut planti samting o i nogat samting tru i traim olgeta strong long kamapim na strong ol pilai long hap bilong ol.

Mi wanpela bilong ol man husat i givim olgeta sapot long tingting bilong Veratau.

Mi go raun long planti hap bilong kantri na mi lukim long ai bilong mi na mi ken tokaut olsem tingting bilong Veratau i no abrus.

Mi save planti bilong dispela ol spot lain long stat bilong dispela program i mas givim luksave tasol inap nau ol i wok long abrus long dispela luksave.

Mi ken tok stret olsem long ai bilong mi planti o sapos nogat klostu olgeta awot em ol i givim em ol lain long taun tasol. Long ol liklik hap ples dispela i nogat.

Na olsem mi ken tok planti ol manmeri i no save olsem kain skim i wok long stap. Dispela long wanem maski ol i mekim wok bilong spot i nogat wanpela sans o taim we sampela man bai tokim ol olsem ol i mas traim kain skim olsem.

Tasol sapos ol i bin harim pinis hevi nau em long wanem wei tru ol bai go insait long dispela resis. Na sapos ol i go insait long dispela resis ol bai mas save long wanem ol samting em ol i mas pas long em long kisim mak em ol selekta i laikim long em.

Long taim mi amamas long kain skim i gutpela na i helpim planti ol manmeri na ol tim mi laik autim sampela tingting long sapotim tingting bilong Veratau.

Mi ting olsem kain tingting sapos ol atoriti i bihainim bai i ken helpim gut ol grasrut spotmanmeri na etministreta.

Ol tingting em:

- I GO bek long lo na traim sensisim ol we ol grasrut spotmanmeri na etministreta i ken pas long ol;

- I MAS salim toksave i go long ol provinsol opis bai ol i ken toksave long ol grasrut long hap bilong ol;

- DISPELA skim long ol lo na mak ol i kamapim i mas i gat tingting bilong ol grasrut i stap insait we gutpela toksave bai kam long ol wanwan federesen na

- I MAS sapotim ol provinsol opis long kamap wantaim kain skim olsem we ol i ken ronim na bihainim makim ol wina bilong ol long nesenel level.

# Masta program: PNGSI

Swimming  
Paul Zuvani i raitim

PAPUA Niugini Swimming Inc i tingting long developim na kamapim Masta Swimming resis insait long ol afiliet klab bilong eni.

PNGSI presiden Elizabeth Wells i tok swimming nau i no moa lukluk long ol yangpela tasol olgeta lain manmeri long kantri husat i gat laik na tingting long kamap na resis long swim.

Em i tok dispela long wanem kain tingting em Federesen bilong Intenesenel Swimming (FINA) i kamapim na olsem em i laik long promotim long olgeta swimming grup long wol.

Long lukim samting i kamap tru Boroko Swimming Klab (BASC) long Pot Mosbi i statim pinis dispela program em i askim olgeta lain long kamap long ol trening we klab bai helpim long givim. Dispela tren-

ing em David Lavery husat i gat save long kosim ol Masta program bai givim. "Na klab i givim sans tu long ol swima long traim kamap na makim mak o taim ol i kamap long swim," Wells i tok.

"Kompetisen long wanem kain level sapos em i Masta Swimming i stap long han bilong wanwan ol swima long wanem resis em i laik kamap long em long em i laik eksekais tasol, ol long klab, nesenel o intenesenel," em i tok.

I luk olsem planti ol bikmanmeri i no save go long eksekais. Wells i tok ripot bilong Helt i soim olsem bikos planti manmeri i no save eksekais hevi bilong bodi i bagarapim planti manmeri husat i no ken kisim bagarap long bodi long namb wan taim sapos ol i bin wok long eksekais.

"PNGSI nau i singaut long olgeta lain husat kribmas bilong ol i stap long 25 na husat inap long swim long longpela mak i ken givim nem bilong ol long opis bilong

mipela." Ol i ken ringim David Lavery long telepon namba 309 2023 o long mobai namba 682 1017 o long imel edres [david.lavery@bdw.com](mailto:david.lavery@bdw.com).

Lavery i bin givim masta kos long Australia na olsem em i gat inap save long givim kain kos olsem.

Long taim PNGSI i tokaut long dispela nupela program long wankain taim em i tokaut long ol samting we bai kamap long dispela swimming yia.

Long 2006 kalenda ol bikpela samting we bai kamap em Mas 4 PNGSI enuel jenerol miting, 15 i go inap long 26 Mas em Komenwel Gem, Epriel 5 i go inap long 9 em FINA wol swimming sempionsip long Shanghai, Saina; 28 i go inap long 30 Epriel em TNT Nesenel Shot Kos Sempionsip, 9 i go inap long 11 Jun em Westpac Dolphin sprint, Julai 7 i go inap long 12 em Osenia Sempionsip, long Ogas 17i go inap long 20 Pan Pasifik Sempionsip na Sempitemba 21 long Kos.


## Wenge nupela Lae lig petron

ragbi  
Bustin Anzu i raitim

MORobe Gavana Luther Wenge i kisim wok olsem petron bilong Lae ragbi lig na dispela pasin bilong wok bung i soim sampela gutpela sain bilong ragbi lig i mas stap long provins.

Mista Wenge i tok orait long dispela askim long kamap patron bihain long Lae ragbi lig eksekutiv i askim Gavana long kisim dispela wok. Na em i tok em bai helpim ol long sampela rot em i ting em i gutpela bilong lig.

"Mipela i wokim planti mekimsave long wok developmen bilong spot insait long provins. Na mipela i helpim soka na tu junia ragbi lig insait long wokabaut long i go pilai long Rasia. Tasol dispela i no min olsem bai mipela lus tingting long yupela (ragbi lig). Mipela bai helpim yupela long sampela rot we mipela i ting em bai gutpela insait long provins," em i mekim dispela



SAPOT: Gavana Wenge i soim sapot bilong em wantaim ol eksekutiv bilong Lae ragbi lig.

toktok bihain long tok orait long askim bilong kamap petron bilong Lae ragbi lig long ai bilong ol lig eksekutiv na ol niusman.

Dispela em namba wan taim, wanpela kain biman i wanbel long stap insait wantaim Lae ragbi lig. Long ol yia i go pinis, Lae ragbi lig i askim Provinsol gavman long kain

luksave olsem tasol i no bin kisim sampela helpim.

Wokabaut bilong Gavana wantaim Lae ragbi lig i kamapim wanpela bikpela wok bung wantaim insait long histri bilong ragbi lig long provins.

Presiden Daniel Nandoma i tok dispela wok olsem petron em long ol bikpela de tasol,

we Gavana i tok orait long ol.

"Mipela i gat sampela hevi bilong mipela yet tasol long Gavana i mekim dispela komitmen i soim olsem mipela bai wok wantaim long kamapim gut ragbi lig insait long provins," Nandoma i tok.

Morobe provins, wanpela provins tasol long kantri, we soka em namba wan pilai bilong ol. Liklik pikinini i go inap long ol bikpela i save long pilai soka na olgeta i save laikim tumas dispela pilai.

Tasol ol narapela pilai olsem ragbi yunion, ragbi lig na basketbol wantaim volibol i wok long kamapim bikpela han mak bilong ol long provins tu.

Morobe provins i bin kamapim sampela PNG Kumul pilaia, husat i flaim fleg bilong Morobe bipo.

Kain nem olsem Simon Elap, Kera Ngafkin, Steve Malum na Augustine Justin na sampela moa.

Dispela i soim olsem ol Morobe tu i ken pilaim dispela gem bilong ol man tru tru na

## Hedola Boino brukim Pasifik rekot



GIVIM SIKSTI: Papua Niugini 400m hedol spiltman Mowen Moino long taim em i resis long Australia nesenel sempionsip long Sidni las wiken i brukim na kamapim nupela rekot. Long dispela taim em i kamap long taim 50.90 seken na kamap namba faiv ples long ol fainol. PNG Etlitik presiden Tony Green i tok Boino i kamapim kain mak em Robert Tupahoe bilong Tahiti i kamapim long 1987. "Boino i holim tu nesenel rekot," Green i tok. "Na em i go moa long rekot em i kamapim long 2004 Olimpik Gem."



# Bai nambawan long wol

... I kam long bek pes

Manki nogut bilong Ulamona, West Nu Britan husat long 1996 i pilai long Pot Mosbi ragbi lig i no bin save olsem wanpela de em uai stap antap long het bilong ol bikipela maunten na mekim nois na nau i stap antap na mekim nem bilong PNG.

Long dispela pilai tu em wantaim narapela PNG pilai Stanley Gene husat i bung namba wan taim long Bulls i putim narapela trai bilong ol.

Long 2005 sisen Bai i bin pilai wantaim Leeds Rhinos na Gene i pilai wantaim Hull.

Narapela PNG pilai John Wilshere i pilai tu long Inlgan supa lig. Dispela i min olsem tripela bipo Kumul pilai nau i stap pilai long bikipela Inlgan supa lig na mekim nem bilong PNG.

Long imel Bai i salim long Wantok Spot bihain tasol long dispela pilai bilong ol i tok: "Dispela em i bikipela win bilong mipela na olsem mipela i mas winim."

"Na tru tumas mipela i pilai hat we mipela i mekim samting stret. Ol (West) Tigers i no kam hia long lus, ol i kam hia long kisim tropi i go long Australia," em i tok.

"Olgeta lain i pilai hat na olsem mi laki long kalapim (trai) lain tupela taim. Em wok bilong mi long mi mas putim

tra i na olsem mi mekim wok em ol (opisa) i makim long mi... mi amamas long mak em mi kamapim."

"Bipo long pilai i stat kosa (Brian Noble) i bin tokim mi wantaim bikipela boi Lesley Vanikolo olsem long stat bilong ol set klostu long trai lain bilong mipela mitupela i mas statim ol pilai long helpim ol fowet bilong mipela i go na larim ol i pilai bihain long mipela i putim ol trai na olsem ol samting i bihainim dispela tingting."

"Mipela i bihainim gem plen bilong mipela na olsem mipela i winim pilai bilong mipela."

Long save sapos em i save Tok Pidgin wantaim Gene Bai i tok tupela i save Tok Pidgin insait long ol pilai tu.

"Yes mitupela i mas Tok Pidgin na kosa i no tingting planti long mitupela i mekim olsem. Dispela em i gutpela long klab tu."

"Long wanpela taim Gene i singaut na tokim mi olsem em bai kik na mi go bek na dispela i lukim mipela i kisim bek bal long drop aut."

"...tasol mi ken tok i gat moa samting i kam yet long mi mas tokim yu. Was long dispela (ol samting mi bai tokim yu."

"Mi laik tokim yupela olsem John Wilshere, Stanley Gene na mi yet mipela i laik mekim bikipela tok tenk yu long olgeta lain long kantri, stat long Prait

Minista na i go daun long ol grasrut long gutpela sapot em yupela i save givim long mipela long mekim mipela i go moa yet long pilai bilong mipela."

"Mipela i wisim SP Kap olgeta gutpela samting long dispela sisen."

"Mipela i save ritim ol pepa na olsem noken lus tingting long mipela."

"Tenk yu PNG long sapot bilong yupela. Mipela bai karim fleg bilong PNG na go moa yet."

Bai long imel i go moa yet na tok bihain long holide bilong em long Australia em i go bek long Inlgan long Desemeba 27, 2005 we long dispela taim yet em i go insait na joinim ol Bulls na tren stret.

"Mi wantaim famili bilong i stap long wankain haus olsem long las tupela yia long Leeds."

"Em i save kisim mi 15 o 20 minit long go tren na olsem wanpela awa long go long Odsal Stedum we mipela i save holim bikipela pilai bilong mipela."

"Planti bilong ol Bulls pilai i stap long hap bilong Bradford, foapela i stap long Wigan na sampela long Huddersfield em we Stanley Gene i stap long em tu."

"Mi hop long mekim gut long dispela yia," Bai i tok.

## Pot Mosbi rot rana

ron

LONG dispela Sarere ol Pot Mosbi rot rana bai kamap long TNT long ples balus na tra im bun long dispela hap.

Ol rana husat i gat ka i mas pakim ka aninit long bikipela diwai long hap sait bilong TNT.

Las wik Sarere ol Pot Mosbi Rot Rana i bing bung long rot bung bilong Bava Strit na Taurama Rot na givim siksti i go olgeta long 5km long Taurama Bareks.

I gat 55 rana i bin wokim dispela resis. Dispela resis i gutpela tru olsem i nogat planti ka na ol diwai na bas nabaut i mekim resis i naispela tru.

Simon Pinampio (17.05) winim dispela resis na em i pinis inap long wan seken tasol i go pas long Lawrence Chandy husat i kamap long taim 17.06 minit.

Kamap long namba tri ples em Scott Bishop husat i pinis long taim 17.39 minit.

Namba wan meri long pinisim resis em Kristen Bishop husat i pinis long taim 23.33 minit. Em i pinis tupela seken pas long Steve Marshall husat i pinis long taim 23.35 minit.

Bihain long resis ol i bin givim setifiket long ol rana husat i stap long top 20 long Must Run Challenge long 2005.

James Gurumi i winim namba wan ples long pinisim 485.7km resis. James i bin i no bin lusim wanpela resis long las yia olsem i nogat wanpela rana i bin kamapim kain mak olsem.

Namba tu long em em Paulus Opus husat i pinisim 439.6km mak bilong resis na namba tri ples em Josek Bomida husat i pinisim 437.1km mak bilong ron.

Pot Mosbi rana i amamas long lukim moa manmeri i kam join na kamap long resis. Em i gutpela sans long ol manmeri husat i gat hevi long wet bilong ol bai ol i ken lusim ol gris.

## Hap hap spot

### Dell kamapim nupela Pasifik rekot

ron

SALOME Dell i brukim PNG 800m rekot long namba tri na i go moa long kamapim nupela Pasifik mak. Long las wik dispela meri Kainantu i resis long Australia nesene sempionsip long Sidni we em i kamap long taim 2 minit 10:77 seken. PNG Etlek Yunion presiden Tony Green long amamas long dispela mak i tok Dell maski long ol kainkain tingting na hevi em i daunim long ron na nau i kamap wanpela han mak bilong PNG," Green i tok. "Na dispela kain mak em i mekim bihain tasol long tupela yia em joinim PNG Etlek Yunion." Dell nau i stap gen long Brisben we long dispela mun em wantaim ol rana olsem Mae Koime, Toea Wisil na tupela man hedola Mowen Boino na Sapalai Yao bai go long Melbon na kamap long resis long hap na bihain kam bek long Brisben bipo ol i go bek long Melbon long Mas 15 Komenwel Gem. Ol i kisim dispela taim long kwalifai long dispela bikipela pilai.

## Guria go long trening

ragbi

RABAU Agmark Guria, 2005 SP Kap primia tim i statim pinis trening bilong ol bihainim progrem bilong Papua Niugini Ragbi Futbol Lig. Long dispela wik ol i kisim trening aninit long lukaut bilong kosa Norm Norris, kepten Michael Marun na trena Apelis Walia. Nau long dispela taim Guria i strongim sait bilong em moa long kisim sampela nupela manki long ol narapela senta we ol i kam bung wantaim ol pilai bilong Guria yet. Ol nupela lain em Ricky Sibiya i husat i save pilai wantaim Pot Mosbi Waliya Klab, Rodney Pora bilong Mt Hagen, Alex Ben bilong Kimbe na Daniel Funmat na Ronnie Matalau bilong Kavieng.

## Buka volibol i hot

volibol

RESIS bilong kamap maina primia long Toko volibol resis long Buka i wok long kamap hot. Ol tim husat i wok long holim nek bilong ol yet long kisim dispela taitol em Yetsila na bipo biknem klab Momapa husat tupela i rausim ol narapela tim long lukim husat tru em i king bilong volibol. Long poin tebol Yetsila i gat 39 poin na Momapa i gat 33 poin. Tupela wantaim i gat tupela moa pilai long mekim we wanpela bilong dispela em long bungim tupela yet. Momapa i hapim mak bilong ol taim ol winim Yetsila long wanpela strongpela pilai egensim Roarana 3-2 set long las Sarere.

## Toua hat long winim

wetlifting

PNG wetlifting sempion Dika Toua i hat long ol arapela wetlifita i winim em long 53kg divisen bilong em, Osenia wetlifting kosa Paul Coffa husat Toua i tren aninit long em long Samoa i tok bihain long trening bilong ol long dispela wik.

# Yamo laik kamapim PNG nem

boksing

Andrew Molen i raitim

TINGTING bilong olgeta etlit husat bai makim Papua Niugini long Komonwelt Gems long Australia em long mekim kantri i amamas long ol na wanpela husat i bilip em i ken mekim dispela em boksa, Rickson Yamo.

Taim askim i go long em olsem em inap long mekim kantri bilong em i amamas long Komonwelt Gems, manki Sauts i tok; "Mi ken mekim," na sapos yu lukim we bilong em long pait bai yu inap long bilip long tok bilong em.

Yamo husat i save pait long 60kg, lait wet divisen i soim kala bilong em gen long Sarere nait taim em i rausim tiket bilong Yakobus Heluka bilong Indonesia long Crown Plaza hotel long Pot Mosbi.

Yamo bilong Koroba long Sauten Hailens provins i wanpela strongpela boksa husat i no save lusim taim long bekim han bilong birua bilong em.


"Em i wok long tromoi han bilong em i go aut tumas olsem na mi tromoi han bilong mi stret we mi kisim em gut bipo long han bilong em i pas long mi," Yamo i tok.

Tasol em i tok pait i no isi bilong wanem Heluka tu em i wanpela gutpela na strongpela paitman.

"Mi amamas long win bilong mi, trening na olgeta samting i orait na mipela i luk fowet nau long Komonwelt Gems.

"Mi laik tok tenkyu long ol spon-sa, mama papa na famili na antap long olgeta em God yet," Yamo i tok.

Yamo husat tu i bin wanpela kiboksa i bin nesene sempion bilong divisen bilong em bipo long



EM I KEN MEKIM: Rickson Yamo i bilip em i ken mekim kantri bilong em i amamas.

em i go long boksing. Las yia taim ol i save pait long Lamana Hotel, Yamo i winim olgeta pait bilong em na i go winim fainol wantaim.

Presiden bilong PNG amata boksing Yunion (PNGABU), Lohial Nuau tu i gat bilip long Yamo.

"Rickson em i wanpela strongpela paitman na long komonwelt gems, divisen bilong em i wanpela hatpela divisen stret olsem na bai yumi lukim planti paia woks long komonwelt gems," Nuau i tok. Nuau i bilip tu olsem maski em i stap wantaim boksing liklik taim tasol, em i lain hariap na i

kamap hariap tru olsem wanpela ekspirien na gutpela paitman.

Dispela pait we i kamap namel long PNG na Indonesia em i bihainim wanpela we i kamap las yia long Indonesia.

Ol Indonesia i kam wantaim strongpela tingting long bekim dinau long PNG tasol ol PNG boksa i stopim ol we i lukim PNG i winim tripela bilong faivpela pait.

"Mipela i no kaikai gut bipo long pait na tu mipela i kamap aste tasol na i no malolo gut tasol ol pait i kamap gut na mi amamas," kosa bilong Indonesia tim, Jopie

Latupeirissa i tok.

Em i tok dispela tonamen em long skelim tasol ol skil na save

• PNG - 3 v Indonesia - 2

• Jack Willie (PNG) diskwalifai na win i go long Colombus Basik-Basik (Indon)

• Chavis Kora (PNG) winim Ramson Gebze (Indon)

• Rickson Yamo (PNG) winim Yakobus Heluka (Indon)

• Billy Mamu Kian (PNG) lus long Petrisius Jequjia (Indon)

• John Korake (PNG) winim Markus Gebze

bilong ol boksa na helpim ol long trening bilong ol na tu em i strongim gutpela sindaun namel long tupela kantri.

Wanpela paitman bilong Latupeirissa, Petrisius Jequjia i tok ekspirien ol i kisim i gutpela na bai helpim ol gut tru.

"Planti long ol kain intenesenel pait em bai gutpela long mipela," em i tok.

Jequjia husat f pait boksing inap foapela yia nau i bin winim pait bilong em egensim Billy "The Blade" Mamu Kian.

Nuau i luksave tu olsem level bilong tupela sait wantaim i go antap moa long taim ol i pait long Indonesia.

"Tupela sait wantaim i pait gut moa na i kamapim gutpela boksing stret na long sait bilong PNG em bai helpim ol gut long redi long Komonwelt Gems," em i tok.

PNGABU i wokim narapela K8, 900 long fansing bilong ol long dispela pait.



**LAE  
BISCUIT CO.**



# WANTOK SPOTS

**LAE  
BISCUIT CO.**



# Bai Namba wan

Paul Zuvani i raitim

MARCUS Bai, fleg keria bilong PNG long ragbi lig nau i kisim luk-save long wol olsem em i namba wan ragbi lig pilaia long winim tripela wol klab salens.

Bipo Australia biknem ragbi lig winga na nau TV man Peter Sterling i tokaut long dispela long taim Bradford Bulls, tim em Bai i pilai long em i winim 2006 Wol Klab Ex-ers egensim Australia NRL West Tigers 30-10 long Ingran las Fraide na it (PNG taim Sarere moning).

Sterling i tok Bai nau i kamap wanpela pilaia tasol husat i winim tripela woi salens olgeta. Dispela em long taim em i pilai wantaim tripela klab long narapela narapela taim.

Wankain tok em ol arapela niusman long Ingran na Australia i mekim long mak em Bai i kamap long em.

Bai i bin winim namba wan wol klab salens taim em i pilai wantaim Melbon Storm long 2000, 2005 wantaim ol Ingran Leeds Rhinos na nau 2006 wantaim ol Bulls.

Em i putim tupela trai bilong dispela faipela trai bilong ol Bulls.

**Pes 29, 30 na 31  
Painim aut  
moa spot stori**



Foto: BRADFORD BULLS NIUSMAN

**NUPELA REKOT:** Marcus Bai kamapim nupela wol ragbi lig rekot taim em i winim namba tri wol klab salens long ragbi lig resis. Las Sarere moning Bai wantaim ol Bulls i winim West Tigers 30-10 long kamapim dispela mak bilong Bai. Hia Bai i amamas long kap wantaim PNG wantok bilong em Stanley "apo" Gene. Tupela wantaim i putim ol trai long dispela win.

*i go moa long pes 31*

## KEEP YOUR TOYOTA GENUINE

*For a limited time only we are offering special pricing on ...*

### SUSPENSION

Toyota Genuine Shock absorbers are specifically designed for each individual Toyota model to optimise handling performance and safety.

### CLUTCH

Toyota Genuine Clutches feature torsion rubber springs that provide balanced and quiet operation for a more comfortable driving experience.

### BRAKES

Toyota Genuine Brake pads and shoes provide strong and stable braking combined with outstanding wear characteristics.

### UNIVERSAL JOINTS

Toyota Genuine Universal joints are made from premium materials to fine tolerances, required to provide a perfect balance and long life.

www.elamotors.com.pg \* www.toyota-southpacific.com

**Ela Motors**

**No to  
COUNTERFEIT**

Port Moresby 3224400 \* Lae 4781800 \* Kokopo 8829100, Medang 8821388 \* Goroka 7321544  
Mt Hagen 8421888 \* Bulaka 8739015 \* Lihir 8864099



**TOYOTA GENUINE PARTS**



**TOYOTA QUALITY SERVICE**



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.